

Александр Некрасов (Гамса)



ЧУЖАНИЌОЙ МЕНАМ - МЫЛА СЪЫЛАНКЫВ



Александр Некрасов (Гамса)



**ЧУЖАНИНЪЙ
МЕНАМ —
МЫЛА
СЫЛАНКЫВ**

*Висьтъяс, мойдъяс,
олӧм сернасъяс*

Сыктывкар
«Эскӧм» издательство
2002



Некрасов А.И.

Н 48 Чужаніной менам—мыла сыланкыв: Висьтьяс, мойдъяс, олём серпасъяс.—Сыктывкар: «Эскём» издательство, 2002. — 80 л.б.

ISBN 5-88186-396-8

«Чужаніной менам—мыла сыланкыв» аслас вьль небөгö Емдін районысь Гам шör школаса вöвлөм велöдысь Александр Иванович Некрасов öтүвтис республикаса газет-журналъясын бөръя воясö петлөм челядылы сиөм висьтьяс, мойдъяс, олём серпасъяс. Сійö зөв радейтөмпырысь, сёлөмсянь петысь кывъясөн гижö сиктса нывкаяслөн да зонкаяслөн олөм-вылөм, вөр-вакөд налөн топыд йитөдъяс, чужан му дінö помтөм муслун йылысь.

Небөгсö отсалісны лэдзны «Севергазпром» котыр, Зөвсьöрттысь фанера вöчан комбинат, АО «Связь», а сіджö Коми Республикаысь Госсöветса юралысöс вежысь В.А.Потолицын, мыйысь автор да издательство пöся атгöалöны найöс.

ББК 84(2Рос-Коми)-16

ISBN 5-88186-396-8

© Некрасов А.И., 2002
© Моторин В.А., серпасалысь, 2002
© «Эскём» издательство

Лэбачьяс садьмөмаось да дзользьоны-сьылöны, гажөдöны юдорса керössö. Нимкодь гректöм ловъяслы мича сувтысь луныслы, дась-тысьöны лэбзыны шоньд саридз дорö.

— Мый нö тайö? Кöни нö гымгаыс? Коді вермис нуны сійöс? Тані тöрыт ни талун некод эз вöв, — шензис-юасис сэк кості Öньö пöль.

Бöрынджык кыкнанныс казялісны, мый гымгасö перйöм бöрас кодкö кыскöма. Юбердса туруныс дзугсьöма-водöма. Шуисны ту-явны шышöс. Регьд бадь куст дорысь казялісны вөрöдчысь ёкмьль. Матөджык воисны да чуймисны: гымга вомас суйöма юрсö руч, а гымга пытшкас пеласьö-вөрöдчö кило кык-куима налим.

Мудер пемöсыд кöсйöма чöсмасьштны налимнад. Но гымга вомса ёсь разъясыс чорыда топöдöмаось ручлысь голясö. Сійö нетш-кысьö-пессьö да оз вермы некыдзи мездьсны.

— Дивö, дивö дай сöмын. Кымын во кыйся гымгаöн, а татшö-мторйыс эз на вöвлы, — шуис нюмъялігмоз Öньö пöль.

Кызкö-мыйкö деда-внука мудер зверöс ланьтөдісны да нопъяс суйисны.

— Пöчыдлы чужан лун кежлö бур и козин лоö, — нимкодясис Öньö пöль внук дінас шыödчигөн.

◆◆◆ ДАС КУИМ АРÖСА ◆◆◆ ОШ КЫЙЫСЬ

Педöра Ольга вит челядя дöва. Верöсыс 1943-öd воын уси фронт вылын. Медьдждьд пиыслы дас куим арöс, а медічöтыслы кык тырис гожöмнас. Чужтіс сійöс Ольга верössö фронт вылö нуöm бöрас нин. Шань, уджач да бур сьөлöма ань мырсис лун и вой, быдтіс-сöвмөдіс челядьсö. Нывбаба уджаліс орсын, Анна чойыскөд Рыж-ко вөлөн груз кыскалісны «Комилесын» уджалысьяслы. Көть и сьökыд вöвтö видзны, колхозön юралысь Кырнышев Педь турун пуктыны видз оз вöлі сет. Но Ольга эз энөвтчы вöлысь. Челядь сор-

нас чукөртлісны турунсö Ыджыд нюрысь. Ичөтсьянь быдтасьяссö нывбаба велөдіс быд уджö. Дерт, война кадся тшыг нисьö пöт ол-öмыд төдчис челядьлы. Но бур вöлі сійö, мый орсын уджалысьяс-лы сьöмтор сетыштлісны да нянь вылö карточка на тшöтш. А Рыж-ко вöлыслы зöртор вöлі вичмөдоны.

— Грек көть абу, а зöрнас удзөдлывлі Рыжкоос, — бöрас вись-тавлывліс Ольга.

Зöрсö косьтылісны да гортса изкиөн излісны. Пызьсьыс идзас сорён картупеля сөчөнъяс пöжавлісны.

Öтчыд вöвлы сетöм зöрсö видлісны чужтыны. Дас тусьыс көкъямысыс чужис.

— Рудзöга вожын эндöма нейджыд му пласт. Бура куйöдалам сійöс, гöрам да көдзыштам зöрторсö, төв кежлö содтöд нур лоас, — ышöдіс челядьсö мамыс.

Сідзи и вöчисны. Гожöмыс вöлі бур. Зарни шонді лелькуйтис-быдтіс көдзасö. Дас куим арöса Миша чой-вокыскöд дөзьöритісны көдзасö пöтрава вöчöмысь. Быд лун тшак-вотöсла ветліг-муниг кежавлісны йöрсö видзөдлыны. Көдзаыс быдмис бура, и челядь нимкодясисны локтан урожайнас. Но öтчыд зонъяс шогö усисны, кор аддзисны: потшөссьыс кодкө öти праслө бергөдома-разьöма, пыралöма йöрас да некымын местаысь лякөма зöрсö. Лоөмтор йив-сьыс висьталісны мамыслы.

— Ме чайта, йöрас пыраліс ош. Сійö радейтö чөсмаьны небыд, вотöм на зөр тусьясөн, — висьталіс бур сьөлöма нывбаба ныв-пи-ыслы. — Миянös варгыль кок вермас дзикөдз рөзöритны.

— Кыйны-луйны колö рөзбойникös. Ме пицаль босьта батьöлысь да кута кыйöдны сійöс. Кор локтас йөр дорас, сэки шковга-лыя ошкös. Таво тулыснас Турьев Педөркөд ми куим утка нин лыйим. А пи-цальыд миян, ок, и бура да стöча веськалö, — эскөдіс мамсö Миша.

— Лыйнытö, гашкö, верман, но он кө инмы ошкыдлы либö ра-нитан сöмын, сэки зверыд асьтö косявлас, — төдчөдіс ань.

Дыр сёрнитісны, кызди да мый вöчны. Сэсся воисны öти кывйö: пожöм пу вылö, коді быдмö дзик йөр дорас, лөсьöдны пуклös. Кыз пожöм увьяс костö вöчисны бур кыйöдчанін. Кузь сод кузя катö-дісны Мишаос да содсö вештісны бокö.

— Он жö, гашкö, унмовсь да усь пу вывьсыс? — юаліс Миша-лысь мамыс.

— Ог, ог. Лёз ваддорын войигён син куньлём оз овлы, — эскөдiс мамсö зон.

Шондi лэччис. Рытиввылын енэжыс заводитiс пöртмасыны алöйгöрд рöмөн. Ставыс лөнис, кузь лунтыръя удж бöрын ловья ловьяс шойччöны. Но оз ставён узьны.

— Кысь! Кысь! Кысь! — мисьтöма кодкö букöстiс.

«Тайö сюзь повзёдчö-кыйсьö, — мöвпыштiс зонка. — Ме тöда нин войся кыйсьысьлысь гөлөссö, ог пов, ог».

Коли унакодь нин кадыс, а ошкыд некөн на оз кыв. Со асыввылын кья восьтiс нин öшиньсö. Садьмисны сьылысь кайяс.

Дыр шойччыны налөн кадыс абу. Кутiс лэптысьны йöв кодь ру.

— Гашкö, талун оз и волы чöсмасыньсö варгыль кокыд, — чужис Мишалён татшöм мöвп.

Недыр мысти йөр бокын кутiс кывны кодкö. Регыд и мыччысис нель кока рözбойникыд. Сийö тэрмасытöг тапикасис кодзалань.

Миша бура метитчис да шковгис зверлы юрас. Ош сувтлiс бöрья кокъяс вылас, лёк ног равöстiс да уськөдчис лыйöм шыланьыс. Но кымынкö воськов бöрын усис бок вылас да кутiс чужъясьны кокъяснас. Дыр на пессис варгыль кок. Кор ланьтiс ошкыд, Миша гез кузя лэччис пу вылысь да шуис:

— Эн горшась, ад горш!

Рытнас Рыжко вөлөн Ольга да Анна тьöt лэччöдiсны гортас телегаён ош яй.

◆◆◆◆◆ ЫДЖЫД НЮР ◆◆◆◆◆

Марья Петровналён важиник керкаыс куткырвидзö дзик вөр дорын. Бур сьёлöма ань дорö тшöкыда волывлöны узьны-шойччыны карсаяс: öтияс — тшак корсялигөн, мөдъяс — чөд-пув вотигөн, коймөдъяс — Важ куръяысь чери кыян кадö.

Елена Ивановна, ыджыдджык нылыслөн тöдса, Петровна ордö воис пемыдгоров нин. Татчö сийö локтöма медводдзаясь на. Туй

ыв мортос пöрысь нывбаба ас сёян-юанон вердiс-юкталiс.

— Сидзкö, турипув вотны воин, гулюй? Но вот! Ыджыд нюр миян важысянь нималö вотöсаинон. Пом ни дор сылön абу, но сөнi быдмö зэв уна зын турун, рочон кө, багульник. Сылön дукуыс аслыспöлöс, и уна мортлысь юрсö кольмөдлö, и тшöкыда турипув öктысь воштывлö петан туйсö, — тадзи заводитiс висьтсö Марья Петровна. — И вотчысь веськавлö медся зыбуч местаö. Уна мортлысь олөмсö нюрыд босытлывлöма. Сэтчö вöйлöма и Ласей дяк. Арся пемыд вöйясын нюрсяныыс пыр на нор шыяс кывлöны: ми пö öд вöд сылөдтөмөсь и гуавтөмөсь...

— Пöчöй менам висьтавлiс öти неминуча йылысь, — водзö нуөдiс сёрнисö Марья Петровна. — Öти арся лунö ёма кодь нывбаба мөдöдас дас кык арöса нывсö Ыджыд нюрысь турипув вотны. Нывкаыд тэрыба вöлөм öктысьö да регыд и тыртас падъянтö. Пуксяс вутш вылö шойччыштны, юрыс кольмөма да. Чеччас да, гортö мунан туйыс оз сюр. Коньöрушкаыд медся лөк местаас воас, кок улас лайкъялысь васөд нюрыс сидз и көсийö нылыштны нывкаöс. Мөдарö веськөдчас да нöшта на лөкинö веськалас. Отсөг корö-горзö, но некод оз шыась. Öтарö-мөдарö ветлөдлiгад став пувсö падъянсьыс гылөдас.

Колö жö: виччысьтөг сы дорö локтас кузь да еджыд тошка пöль. Синъясыс кодзувъяс моз югъялöны, а веськыд киас падъян. Падъянас чунь пом кодь гырысь турипув.

— Ылалөмыд тай, зарнийö, да став турипувтö гылөдөмыд. Со ме бөр чукөртi тусьяссö. Эн бөрд, — тадзи бурөдас нывтö пöльыд.

Индөма бур мортыд нюрысь петан туйсö, тыртөма нылыдлысь падъянсö вотöсөн.

Нылыд бергөдчас и шуас: «Аттö тэныд, пöльöй!» А пöльыд некөн нин абу, быттö ем моз воши. Воөм бөрас та йылысь нылыд батысылы висьталас. Мөд луннас ачыс ветлас вичкөö да Микöла-угодниклы сись öзтас.

— Со öд кызди овлö Ыджыд нюрад. Но да тэ эн усь шөгö. Аски тэкөд ми кыкөн мунам вотчынысö да ставыс бур лоас. Казялан кө, мый юрыд кутiс кольмыны, висьтав меным. Ме тэнö көза йөлөн юктöдышта, а йöлыд бура отсалö зын турунон кольмөм юртö веськөдны, — тадзи помалiс сёрнисö Марья Петровна.



ВÖРЫН



Аслыспөлөс арся вөрлөн мичлуныс. Гөгөр чөв, но «пуө» олом. Со лэбач пуксылыс кыз пу выло да лэбзис. Со и пашкыр бөжа ур кыскө тшак. Пуысь пуө нюжалөмаоь черань везъяс. Кокъяс улын кышакылөны коръяс, а увсяньыс чатөртөмаоь юрнысө гобъяс, ельдөгъяс, сідзи и вөзйысьөны пестерад.

Регыд ордымті петім пипу раскө. Гоз-мөд пулысь кырсьө быттө лэчыд пуртөн вундыштөмаоь. Тайө кузь пель чөсмасьыштөма. Некумын воськов вөчөм бөрын и адзим табъя кокөс, чечыштис пу улысь да веськыдвыло лыйыштис. Рас помасис, мыччысис сись кодь пожөма яг, көні сярвидзис гырысь пув.

Ми тэрыба босьтчим вотчыны. Яг бокас кылө-гудөкасьө нейджыд ёль. Кор пувъя местаыс петкөдіс мянөс ёль дорланыс, казялім: боктыс ветлөдлөны кык дозмөр да кокалөны изъяс. Төв кежлө дасьтысьөны. Ичөтик гөгрөс изъяс, кодъясөс чукөртөны зобъяс, кутасны изны жебиник төвся сөянсө — пожөм лыс емъяс. И ми заптысьыштім — тыртім пестернымөс чөскыд пувйөн.



СЮЗЪЯСЛӨН КОЙТ



Воис гажа тулыс. Ловзьө парма. Лунвылысь чужанінас воисны лэбачьяс, найө нимкодьясьөны-дзользьөны, дасьтысьөны поздысьны. Пармаса мича шыясьыс бурмө сьөлөмыд, а чөскыд да сөстөм сынөдсьыс кольмө юрид.

Тайө гажа кадас ми вежайкөд быд тулыс ветлывлам таръяслөн койт выло. И со ми бара мича пожөма яг бокин, но мян койт вылын оз на гажъявны таръяс. Сөмын паськыд нюр сайын кыліс аслыссикас броткөдчөм.

— Таво, гашкө, таръяс бөрийсны выль места, нюр мөдарас, — шуис вежай.

— Часлы, тѳдмалам, мый сѳні сѳтшѳмыс.

Векныдик ордымті дыркѳдъ вуджим нюрсѳ. Кокъясным пыдѳ вѳйласисны небыдик нитшкас да мудзтѳдз тапикасим.

Тыдовтчис нюр мѳдар помыс, матысмис броткѳдчѳм шыыс. Кор воим матѳджык, мыльк вывесьыс кыпѳдчисны гырысь лѳбачьяс — нюрыввса сюзьяс.

— Со кодьяс вѳлѳм броткѳны-койтѳны, — тѳдчѳдіс вежай.

Колис кад. Ми вуграсим Ертым ю бокин. Пажын бѳрын кежалім сюзьяслѳн «койт» вылѳ. Пуксим пѳрѳм пу вылѳ и аддзим лѳбач поз, кѳні куйліс сизим гѳгрѳс кольк.

Ми тшѳкыда ветывлім сійѳ туй вожѳдыс, кѳні вѳлі нюрыввса сюзьлѳн позйыс. Регыд сѳні кутісны чивзыны ичѳтик сюзьпиян. Ѳтчыд казялім: вошѳма позсьыс кык пи.

— Коді вермис сюзь-мамлысь пиянсѳ гуны? Ід сійѳ кужѳ уна вѳрѳгкѳд тышкасьны, — шензис вежай. Позсяныыс кымынкѳ воськов сайысь, ичѳтик коз пу дорысь, аддзим сюзьпиянлысь лыяссѳ да гыжьяссѳ.

Вот дивѳйд! Мам синьяс водзас кодкѳ сѳйѳма дзѳлюкьяссѳ. Сьѳкыд тайѳс гѳгрѳвоны.

Бѳрынджык сизим кутюпиысь кольѳма ѳти.

Сѳки вежай висьталіс сюзьлысь гусятѳрсѳ. Найѳ пѳ пѳткѳдчѳны шырьясѳн, му ошьясѳн да с.в. Кор шырыс этшаджык, сюзь-мамьяс оз вермыны вердны горш пиянсѳ и сѳйѳны-бырѳдѳны дзѳлюкьяссѳ, кольѳны сѳмын ѳти либѳ кык пиѳс рѳд вылас. Ачыс пѳт и челядыыс оз тшыгьявны. И збыль. Гожѳмыс вѳлі зѳра, и шырьяс, буракѳ, косджыклаѳ вешйисны. Быд зверь-пѳткалѳн, лѳбачлѳн аслас олан сям.



РЫЖИК



Лесник Михаил Иванович тѳдѳ пармаысь быд зверь-пѳткаѳс. Унаысь аддзывлѳ доймѳм посни вѳрса олысьясѳс, кыдзи вермѳ отсалѳ налы. Гортас сьлѳн лѳсьѳдѳма неыджыд пельѳс, кѳні тшѳкы-


да бур сёлёма морт бурдөдө и төвйөдө доймөм зверь-лэбачос. Таво тулыс лесник бурдөдис урос. Июнь төлысын пашкыр бөж чужтис вит урпи. Сусед-лесник козыналис мянлы өти дзолжүкөс.

Отвылысь шум: урпиос некод оз кут кедзвтны-дөнзбодны. Мед олас кыз колө. Бать вочис нейджыд садок-оланин, но одзөссө некор эгө пөдлавлөй. Нимтим урписө Рыжикон. Рыжик быдмис өдйө. Төдмалис, көни мый куйлө. Сөйис этша: то йөвтор юас канькөд, то кос тшактор йирыштас, то семечкион чөсмасыштас. Ичөтик гөсть мянын олис дыр, тулыс-ар вежлис гөнсө. Төлын сылөн пасыс небыд да сук, а гожомын — гежөдиник.

Рыжик өна радейтис көкъямыс арөса Зояос. Найө гуляйтисны өшинь улын, шор дорын. На бөрся бөжсө легөдигтыр вөтлысис Буско пон. Нывка кө неуна торъявлис урысь, сийө суөдлис өртсө, кок кузяс кайлис ки вылас, а сөсся пыравлис сумка пытшкас. Отчид Зоя Рыжиккөд мунисны вөрө, көни быдмис-кисьмис уна оз. Нывкалөн өдйө тырис ичөтик дозйис, и сийө дасытысис бергөдчыны гортас. Горөдис: «Рыжик, Рыжик!» Но Рыжик эз шыась. Зоя думыштитис, мый сылөн өртис Бускокөд гортас бергөдчисны. Гортас локтөм бөрын нывка эз аддзы Рыжиксө. Шогө усис. Рытланьыс нин бать аддзис: гортлань котөртис Рыжик, а сы бөрся Буско.

— Гашкө, Рыжик коз колльон чөсмасис кутшөмкө пу вылын, а Буско сийөс видзис, а тәнсьыд чуксасьөмтө эз и кивлыны, — бурөдис нывсө бать.

Ур радейтис и купайтчыны. Жар луньясө Зоя, Рыжик да Буско лэччывлисны Эжва дорө. Рыжик пыр и келас ваө, вывлань лэптас бөжсө да уялө, а Буско сы бөрся никсигтырйи уйө. Со кызди олисны куим өрт.



КАТША



Йөктө катша тотш да тотш,
Кымын майөг, кымын потш.
Ачыс клоун кодь жө стөч,
Гортас дзык нинөм оз вөч.

Тадзи ме коркө гижлі челядьлы катша йылысь тайё кымынкө строкасё. Но веськыда шуа, сійос оз радейтны мукөд лэбач ни зверь. Да и морт сы вылө видзөдө аслысногөн, тшөкыда нимтывлө сійос: шыш, тыртөм мельнича, зыргун-трепач. А мичлуннас, дерт, сійө оз кольччы мукөд лэбачысь. Бөжыс катшалөн кузь да турунвижов рөмгясөн югйыштлө. Уна мойдын сійө паныдасьлө. Роч войтыр лэбачсё шулоны: «Ты, сорока, белобока». Сідзи и эм. Өтар-мөдар бокас гөныс еджыдөн пөртмасьö.

Мыйла катшаос оз радейт мукөд лэбачыс? Да сы вөсна, мый сылөн абу сөстөм лолыс, лэбач позгьясө пыравлө да колькгьяснас либө пияннас чөсмасьлө.

Вөлі гожся кад. Марья пөч курөггьяссө видзис сараяс. Сәни и чипангьясыс колькгьяссө вайлывлісны-пөжлісны. Но пөрысь морт казяліс: колькгьяссө кодкө кутіс гусявлыны.

— Гашкө, крысаяс чөсмасьлоны да, — мөвпыштіс Марья.

Но бөрья нель онас пөрысь морт эз казявлы ни өти нель кока рөзбойникөс. Та йылысь пөчыд висьталіс Иван Гавриловичлы, кодлөн керкаыс дзик орччөн сулаліс.

— Ме унаысь нин казявлі сарай дорысь катшаос. Ок и җна найө радейтөны пустуйтчыны-гусясьны, — вөчис кывкөртөд Иван Гавриловичыд да көсйысис кыйөдны.

Асывводз кык катша пуксисны Марьялөн потшөсө. Китшкыштісны, быттьө ёрта-ёртыскөд варовитісны-стөчмөдісны, кодлы мый вөчны. Сәсся өтиыс кольччис потшөс вылас, а мөдыс жбыркнитіс курөг оланінө. Сійө каднас сарай дорті зонгьяс мунісны-варовитісны.

— Тра-та-та! — гораа юөртіс потшөс вылын пукалысь катша.

Кор зонгьяс ылыстчисны, шыш пырис чипан позйө да регыд бөр бергөдчис колькйөн, пуксис куйөд чукөр вылө да кутіс чөсмаьсны. Та бөрын найө вежсисны. Мөдыс регыд сарайысь колькйөн жө петіс.

Иван Гаврилович висьталіс аддзылөмторсө суседкаыслы да тшөктіс пөдсаөн видзны сарай өдзөссө.

* * *

Сергей Мальцев, начальнөй школаын велөдчысь, март помын карта саяс кузь потш йылө өшөдіс вьль скворечник. Шондөдіс, и лунвылысь воисны Сергейлөн гөсьтгьясыс — скворечгьяс. Ябыргьяс

радлоны-дзользёны. Айыс пуксьома поз весьтас рос выло да сьыло. Сыкод орччон пуксьыло тшотш энъыс — гонсо весало. Регыд кутисны пожсьыны. Тайо кадас Сергей шоча и аддзылис скворечьясос.

— Видлыны колө, гашкө, энөвтисны нин позсө, — отчыд зонка шуис батыслы.

— Мед эз вөв вөрзёдома, — олодис зонкаос батыс.

Лун-мөд мысти позсьыс кылисны чирзөм шыяс. Сэки сквореч батьмам кутисны лэбавны коставлытөг. Оз на удит отиыс петны позйысь, мөдыс виччысьо нин вевт вылын, вомас лёльө топөдома. Тадз асывсаянь рыгөдз дзюлюкъясыс чирзёны-горзёны, кор ябыр лэбас розь дорас лёльоон либө гут-гагйөн. Сэсся няргөм шыяс лөньлө.

Отчыд Сергей чойыскөд ветлисны Яг шор сайо оз вотны. Гортө воигөн ылисянь на кылисны горт дорсьыс зык-шум. Скворечьяс лэбалёны поз гөгөрыс, а поз вылас пукало катша да кокнас судзөдчө розь дорас. Но скворечниклөн вевтыс кузякодь нюжөдчөма розь весьтас да кык кока рөзбойник оз судз чирзысь пиян дорөдз. Ай ябырыс смелмөдчис да мый вынсьыс кокыштіс катшаос юрас.

— Со кызд овлө. Кык кока лэбалысь шышкыд көсьома сёйны ябырпитө, но тэ, Сергей, бура вөчөмыд скворечниктө. Вевтыс кузя петөма розь водзас да та вөсна эз судз катшаыд, — ошкыштіс Сергейос батыс.



ЗБОЙ КӨЧ



Вежон чөж сулаліс зэра поводдя. Но талун войнас сэзьдіс, кодкө быттё кымөръяссө энэжсьыс гөликөн чышкис. Шондөдіс. Сувтіс нывбаба гожөм. Ми Олексей дядькөд мөдөдчим лежнөг өктыны. Пөльтіс небыд лун төв. Сынөдыс сөстөм. Вуджим паськыд туруна эрд. Сьылөны-дзользёны лэбачьяс, нимкодьясьоны ми моз мича поводдя вылас, дасьтысьоны саридз дорө лэбзыны.

Лэбачьяслысь дзользёмсө торкис ыджыд варыш, коді лэбис

налань да кӱсйис чӱсмасьштны гректӱм ловъясӱн. Лӱбачьяс ӱдйӱ лӱбзисны ӱтарӱ-мӱдарӱ, лӱк горша рӱзбойниклы эз сюр нуръясян-торйис. Варышyd бӱр качӱдчис вывлань да лӱбзис джуджyd сӱнлань. И со здук кeжлӱ быттӱ ӱшйыліс сынӱдас вильышпозйыд. Гашкӱ, мыйкӱ бара казяліс да.

— Видзӱдлы, видзӱдлы, Толя, турун пӱвстсыс кӱч петис, — висьталіс ӱлексей дядь. — Дзебсьӱма варышсьыд. ӱні чайтӱ, мый мыніс неминучасьыд. Но варышyd казяліс табья коктӱ и заводитіс суӱдны сійӱс.

Здук, и ад горшыд шыбитчис кузь пель мыш вылӱ. Кӱчыд не-тшыштчис варыш гыжъясысь и быгыльтчис мыльк горулас. Вир юысь лӱбачыд качӱдчыліс и дасьтысис выльысь атакуйтны кӱсӱйӱс. Кӱчлы некытчӱ лои воштысьнысӱ, водіс мышку вылас да вывлань чургӱдіс кокъяссӱ. Варышyd шыбитчис кӱч вылад. Кӱчыд тӱрыба кутіс сизьдыны табья кокъяснас лӱбачтӱ, гӱныс варышлӱн ӱтарӱ-мӱдарӱ лӱбӱ. Рӱзбойникыд качӱдчыштліс и дасьтысис выль вынӱн шыбитчыны кузь пель вылӱ, но казяліс миянӱс и лӱбзис мыльк сайӱ.

Ми тӱрмасим пикӱ воӱм кӱчлы отсӱг сетны. Кор матысмим, сійӱ чеччыштіс и котӱртіс вӱрлань. Но регыд сувтіс да жмитчис муланьыс.

— ӱлексей дядь лӱптіс кӱчӱс бӱрья кокъясӱдыс да шуис:

— Мо-лодеч, кужин водзасьяны врагкӱд.

Тіралысь кӱч чужйис воддза кокъяснас и вирӱдз сарпыштіс дядьлысь веськыд кисӱ. Кӱчлӱн ку вылас ӱшаліс шуйга пельыс, дойяс вӱліны и мышку вылас. Шуим кӱчӱс бурдӱдны гортын. Рытнас табья кокалысь йӱдӱн мавталім дойяссӱ да сетім сӱянтор, но кӱч вуграліс и немтор эз сӱй.

Кор бурдыштісны кӱчлӱн дойясыс, овмӱдім сійӱс кроликъяс дорӱ. Кузь пельлы эз кажитчы чомйын олӱмыс, тшӱкыда чужьяліс чом ӱдзӱссӱ да вӱзйысис петны. ӱтчyd восьтім поз ӱдзӱссӱ. Кӱч сулалыштіс здук, видзӱдліс ӱтарӱ-мӱдарӱ и котӱртіс ывлаӱ, а сӱсся лыйыштіс-котӱртіс вӱрлань. Вӱр дорас вотӱдз сувтыштліс и бергӱдчыліс миянлань да гогнитіс юрнас. Ми гӱгӱрвоим: аттӱӱаліс миянӱс бур вӱчӱмысь.



ЙӖРА



Март тӧлысь пом. Шонді-мам лунысь-лун лышкыдджыка лелькуйтӧ войвыв мусӧ, зарни югӧръясыс азыма нюлӧны мулысь еджыд эшкынсӧ. Лун тӧв матыстис зэра кымӧръяс, лун-мӧд сявгис-зэрис. Но друг бӧр кӧдздӧдис. Кӧдзыд пӧль бара на доддяліс серкояссӧ корадоддӧ, корадоддяс пуксьӧдіс турӧбъясӧс да вой тӧвсӧ. Топалӧм лымйыс ӧна кынмис да артмис чарӧм.

Кык вок, Петя да Паша, тӧрыба восьлалӧны чарӧм вывтыс Ертым юлань. Петя виччысьтӧг сувтіс да гусьӧник шӧпнитіс:

— Видзӧдлы, видзӧдлы, Паша.

Паша аддзис сэтшӧмтор, мый эз эскы синъясыслы. Пипу раскын, пожӧм пу улын, йӧрапи куйлӧ, сы дорын сулаліс мамыс.

Бадь кустъяс сайсянь челядь нимкодпырысь видзӧдісны йӧра мама-пия вылӧ. Йӧрапи куйліс да вуграліс, пельяссӧ вӧрӧдіс.

— Ловъя йӧра и йӧрапи, ми некор на эг аддзылӧй пармаса багатыръяссӧ, — радлісны челядь.

Йӧра сулаліс да нюліс веськыд воддза коксӧ, а сӧсся — шуйгасӧ.

— Чарӧм вылад йӧрайд оз лыб да вӧйласьӧ. Стеклӧ кодь чорыд чарӧмыс вирӧдз зыртӧ кузь коклысь кокъяссӧ. Аддзан, Петя, шойччыны сувтӧмаӧсь мама-пия. Гашкӧ, тані и луњьясны найӧ, — висьталіс Паша вокыслы.

Зонъяс мыш сайын кутшӧмкӧ кок шыяс кылісны. Бергӧдчисны да аддзисны: локтӧ пищалья мужичӧй. Сійӧ сувтіс да зарадитіс пищальсӧ, кутіс метитчыны йӧралы. Вот-вот личкас куроксӧ, босьтас олӧмсӧ доймалӧм йӧралысь.

— Эн лысьт лыйны! — мый вынсьыс горӧдісны зонъяс.

Виччысьтӧм горӧдӧмсьыс мужичӧйлӧн ки-кокыс лигышмунлі, пищальыс муртса кисьыс эз усь. Кор аддзис челядьӧс, мужичӧйыд скӧра видзӧдліс налань, бергӧдчис мӧдарӧ, пельпом вылас ӧшӧдіс пищальсӧ да муніс.

Челядь сӧрӧн нин воисны гортас да висьталісны батыслы аддзылӧмторсӧ. Мӧд луннас куимӧн кайисны Ертымӧ гымга видлыны да йӧраясӧс видзӧдлыны.

— Со и пожӧм. Тані, тані йӧра мама-пия шойччисны, — висьталіс батыслы Павел. Но кузь кокаяс эз нин вӧвны. Регыд казял-

існы Ертым ю боксьыс кок туйяс. Ёна и вйласьёма пармаса багатырыд. Кок туй местаас гоныс гылалёма.

— Сідзкө, браконьерыд абу лысьтома гректөм ловлысь ловсө босьтны, — төдчөдіс батыс. — Медым сөвмөны да гажөдоны пармасө.



ВӨРСА ПӨЖАР



Керөсбөж сикт нюжөдчөма Эжва веськыд берег пөлөн. Сиктсө войвыв боксяныс кытшалө козья-пожөма яг. Вөр саяс, кык-куим верет ылнаын, ыджыд гөгрөс нюр. Нюрыс сиктса йөзлы быд гожөмар лышкыда козьналө мырпом да турипув. Вотөса нюрыс кыскө ас дорас верстьө войтырөс, пөль-пөчьясөс да челядьсө.

Талун со Политов Васьлөн ныла-пия ветлөмаөсь жө мырпом вотны. Вась дядь, совхозса механизатор, Анна гөтырыскөд челядьсө ичөтсянь быд уджө велөдлөмаөсь, дерт, пармаысь козинъяссө чукөртөны тшөтш.

Мырпомыс вөлі бура артмөма. Зоя да Миша пажынөдз и тыртисны дозьяссө чөскыд вотөсөн. Радлігтыр найө восьлалісны гортланьыс.

— Зоя! Зоя! Видзөдлы, Кузь шор дорсянь сьөд тшын качөдчө енежланьыс. Гашкө, вөрыс өзйис да, — шуис Миша чойыслы.

Челядь котөртисны Кузь шорлань и аддзисны: кодкө бипур пестылөма да абу бура кусөдөма. «Гөрд петукуыд» бордьяссө паськөдөма да азыма нярьялө кос росъяс и яла нитшсө.

— Кусөдны колө пөжарсө, — ышөдіс вокыс чойсө. — Потшны билысь мунан туйсө.

Чоя-вока зіля кутчысисны уджө: кыскалісны-чукөртисны бокө кос росъяссө, кулисны кос нитшсө, кусөдалісны-кучкалісны бисө уль коз пу лапъясөн. Отилаысь кусөдасны бисө, а «гөрд петукуыд» мөдлаө нин шыбитчөма.

— Зоя, мян оз тырмы вынним вермасыны пөжарыскөд. Котөрт сиктө да висьтав неминуча йывсьыс сиктсөветө, медым өдіө чук-

өртөны верстыё йёзёс пөжарсё кусодны, а ме отнам вермасьышта биыскөд, — тшөктіс Миша чойыслы.

Кор воисны сиктса войтыр, Миша пыр на вөлі вермасьё биыскөд. Детинкалөн кусодчигас ёна сотчалёмаьс ки-кокыс, паськөмыс.

Сиктса олысьяс дыркөдь вермасисны вөрса пөжарыскөд да мездісны пожёма ягсё ыджыд неминучаьс. Мишаөс, дас куим арёса зонкаөс, нуөдісны больничаө.

Дыр ковмис Мишалы бурдөдны сотчөм дойяссө. Ёртъясыс да школаса велөдысьяс тшөкыда волывлісны видлыны висьысь зонмөс да ышөдісны сійөс: регыд, регыд бурдан, Мишук. Сідзи и лоис: школаө пыригкежлө Мишаөс выпишитісны больничаьс.

Сентябрь медводдза лун — төдөмлунъяслөн празник. Школа-са директор чукөртіс велөдчысьясөс линейка вылө. Локтіс и лесхозса директор Василий Павлович. Сійө пөся аттьөалис-ошкис Мишаөс да Зояөс вөрса пөжар кусөдігөн ыджыд пай пунктөмысь, козьналіс чоя-вокалы часяс.



ПӨЛЬЛӨН ВИСЬТ



Василий Иванович Попов — войнаса да уджыввса ветеран. Война кусөм бөрын сійө пенсияөдзыс пөрөдіс да кылөдіс «Комилеслы» вөр, и ачыс сьөлөмсяныс радейтө парма-вөрсө. Чада ёль бокө лэптіс неыджыд вөр керка. Өні пөрысь пөльлы сійө керкаыс быттьө мөд горт. Лун-мөд-коймөдөдз парма-гортас Василий Иванович коллявліс гажа да кышыд гожся-арся кадсө, өктіс-чукөртіс пармалысь козинсө.

Талун асывсяныс виччө внукъяссө, Васяөс да Сашаөс. Кор кык вок воисны ёльбокса керка дорө, Василей пөль петіс налы воча, малыштіс дзормөм тошсө да меліа шуис:

— Ме дыр виччи тіянөс, донаяс, весиг вугыртыштлі да аддзылі мича вөт. Пырис керкаө шань да мича нывбаба. Тушаьс сылөн кузь, синъясыс лөзөсь — дзик сөстөм енэж кодь, юрсиыс зарниөн багралө, а платтьөсө мичмөдөма кыз-пипу корьясөн да арся вотөсь-



«Омолькөд венласьом» висёт дорö



«Сир пыдди утка» висът дорö

ясөн. Ме шуи сылы: мися, видза олан, мича аньёй! Кутшом могон воин? Нывбабаыд меліа нюммуніс, но немтор эз шу и воши кытчокө. Восьті синьясөс да нимкодяся. Да, пьяной, ме дорө воліс Арыс. Тані и сәні сійө зумыд да тэрыб воськовьяснас гөгралө-видзөдө пармамлысь олөм-вылөмсө да төв кежлө дасьтысьөмсө.

Поль внукьяссө нуөдіс Ошка мыльк бокө өктыны пув. А пувйыс артмөма бура, гырысь и уна. Пажынөдз и тыртисны кузовьяссө куим ёрт. Шуисны шойччыштны да нурьясьыштны, а сәсся дона гоб өктыштны. Ыджыд нюрсянь кутіс кывны турияслөн сьылөм-горзөмыс. Найө кыпөдчисны да нораа варовитисны ёрта-ёртыскөд: кур-лы, курлы! Вөчисны неыджыд кытш да бөр пуксисны нюрас.

— Тайө лэбачьясыс абу турияс, а салдатьяс, кодьяс эз воны гортаныс война вылысь. Найө лэбалөны чужанін весьтөдыс да видзөдөны төдса местаяссө, көсйөны видзөдлыны коді гөтыр вылас, коді мам-бать вылас, коді чой-воксө корсьө, а коді и невестасө. Ті төдан-ныд, миян грезд весьтөд быд тулыс-ар лэбөны турияс да сьөлөмтө нормөдан сьыланкыв сьылөны: ми пө тиянлөн пьяныд, батьясыд да верөсьясыд, лэбачьясөн лоим, дзоньвидза да став бурсө тиянлы, — татшөм висьт внукьясыслы паніс Василей пөль.

— Ме некор ог вунөд 1942 во, — водзө сёрнитіс вөвлөм фронтөвик. — Миян стрелкөвөй батальон дорйис зэв ыджыд сикт. Фашистьяс унаысь атакуйтлісны, но батальон эз бөрынтычы. Уна салдат да офицер пөгибнитіс тайө косяс. А менө чорыда ранитіс враглөн пуля да вошті вежөрөс, менө нуөмаөсь медсанбатө. Вои ас садьө, ме дорын сулаліс мича нывбаба. Сійө меліа шуис: эн пө шогсы, шөвктугйөй, ставыс бур лоас, тәнсьыд дойястө вурим-көртавлім, ме сеті ассьым витсө грамм вир.

Жаль, зэв жаль, мый эг вевъяв төдмавны сәки бур сьөлөма анылысь ним-овсө. Миянөс, сьөкыда ранитчөм боецьясөс, мөдөдісны госпитальө, тылө. Но аныслысь гөлөссө эг вунөд. Бурдөдчөм бөрын бара фронт вылө, веськалі артиллерийскөй дивизионө. Грузитім өти көрт туй станцияын вагоньясө пушкаяс, снаряд тыра гырысь ящикьяс. Восьлала эшелон боктыс и кыла төдса гөлөс: «Всех раненых солдат размещайте в четвертом вагоне». Бергөдчи — сулалө нывбаба-офицер, погоньяс вылас нель звёздочка: капитан, военнөй врач. Сыкөд орччөн куим салдат. Ме гөгөрвои, мый сійө врачыс спаситіс менө смертысь, көсйи матыстчыны врач до-

рад да шуны: «Атгьö тэныд, зарни аньöй, менö бурдöдöмсьыд, со ме дзоньвидза, ловъя». Но виччысьтöг шуисны тревога: «Воздух!» Эшелон весьтöд лэбисны кык фашистскöй самолёт да кутисны пыблавны бомбаяс. Уна салдатлысь олöм сэки босьтисны гадъя-сыд. Кувтöдз ранитчöма и нывбаба-врачыд. Кык боец нöсилка вылын нуисны капитансö. Юалi санинструкторлысь: кодi сийö? Боец восьтiс планшетсö и сэтысь уси фото.

— Со сийö, — вочавидзис салдат. — Кымын мортöс спаситiс кулöмысь нывбаба-врачыд, а асьсö эз куж видзны.

Пöль помалис висьтсö да дыркодь чöв олис. А сэсся шуис:

— Нывбаба-капитаныд турияс моз жö, кöнкö, лэбалö чужан му весьтти. А фотокарточкасö сылысь ме пыр на видза.



ЛАСИЧА



Максим Петрович важöнкодь нин пенсия вылын, но уджтöгыд сийö оз вермы ни öти лун овны. Со и босьтчис видзны кылöдчан участоклысь вöвъясöс. Рыжко да Серко нима чибöясöс олöма морт бура дöзьöритiс, юкталис-вердiс. Радейтисны вöвъясöс и сылön внукъясыс, Миша да Вася. Найö тшöкыда урокъяс бöрын воывлiсны конюшняö вердны-юктавны вöвъясöс.

Öти арся рытö зонъяс локтисны конюшня дорö да чуймисны, кор кылисны öти вöвлысь гораа гөрдлöмсö да конюшня кузя котралöмсö.

— Гашкö, вöвъяс дорас кöин кыткö пырис да, — повзьöм гөлöсөн шыасис өрт дорас Миша.

Зонъяс повзисны да котöртисны пöль дорас.

— Кöин! Кöин! — котöртигмозыс горзисны челядь.

Миша да Вася гораа висьталисны пöльыслы лоöмтор йывсьыс.

— Эз, эз вермы вöвъяс дорö пырны руд рöзбойникыд, — öлöдыштiс зонъясöс олöма морт.

Максим Петрович кöмасис-пасьтасис, босьтiс стенин öшалысь пицальсö да внукъясыскöд тэрыба мунiс конюшня дорö. Кор

восьтісны конюшня ӱдзӱссӱ, сы дорын сулаліс Рыжко. Сійӱ тіраліс.

— Мый нӱ тӱкӱд лои, зарнійӱ? — меліа юаліс Петрович.

Рыжко нораа гӱрӱктіс: «И-го-го!»

— Да тані бара ласича пустуйтчӱма, — висьталіс зонъяслы конюк.

Челядь унаысь аддзылісны тайӱ ичӱтик зверсӱ. Тӱвнас сійӱ лым кодь еджыд, а гождӱмнас ур кодь гӱрд. Кык ӱрт некыдз ӱз вермыны гӱгӱрвоны, кыдзи да мый крысаысь на ичӱтджык пемӱс вермӱ вӱлӱс ӱбӱдитны.

— Ласича ӱна радейтӱ чӱсмасьны вӱв нылӱмӱн. Сійӱ чеччыштас вӱв мышку вылӱ да азыма нюлӱ нылӱдӱминъяссӱ. Сӱки вӱвлӱн гилялӱ мышкыс да сійӱ заводитӱ котравны, кӱсійӱ кыдзкӱ-мыйкӱ шыбитны мыш вывсыс ичӱтик пемӱсӱс. Котралігас вӱлыд ӱнджыка на нылӱдӱ, а ласичалы сійӱ и колӱ, — висьталіс пӱль внукъясылы.

— Ветлам вай, Миша, крыса капканла, пуктам кутшӱмкӱ пельсӱ да кыям ичӱтик рӱзбойникӱс, — шуис Вася.

— Оз пыр сійӱ капканад, мудерпоз, — ӱлӱдіс зонъясӱс Максим Петрович. — Ветлӱй, зонъяс, пӱч дорӱ да вайӱдӱй татчӱ межсӱ, — тшӱктіс Максим пӱль.

Зонъяс нюмъялігтыр вочавидзисны пӱльлы:

— Гашкӱ, Боря ӱшсӱ вайӱдлыны да, сылӱн сюръясыс ӱсџджыкӱс да кузџджыкӱс.


— Ок и оз радейт ласичаыд меж дуктӱ, пыр и вешӱй мӱд месаӱ лӱк дука карта-гидыс, — гӱгӱрвоӱдіс конюк.

Регыд кык друг вайӱдісны кузџ гӱна ыджыд межсӱ, вердісны турунӱн да вой кежлас колісны конюшняӱ.

Тадзи некымын лун Миша да Вася вайӱдлывлісны вӱвъяс дорӱ пӱчыслысь руд гӱна межсӱ. Межыд велаліс да ачыс кутіс локны конюшня дорӱ. Сувтас ӱдзӱс дорас да баксӱ: ме-ме пӱ локті. И збыль, кытчӱкӱ пышійс ичӱтик зверыд. Тадзи пӱчлӱн межыс вӱтліс ичӱтик рӱзбойникӱс вӱвъяс дінысь.



ЙӖРАПИ



ЙӖрапи пожӖма яг боксянь лӗччис Раса ёльлань. СійӖ то нитштор исыштас, то чӖд росъяс пиӖ нырсӖ суйлас. КынӖмыс дзӖлюклӖн ёна сьумалӖ. Со мыйкӖ йирыштис да аклялыштис, но бӖр лӗдзис вомсьяс. Матыстчис ёльланьыс и полігтырйи чуренитыштис, кӖдзыд ваӖн веськӖдыштис горшсӖ.

Ӗтка йӖрапи бӖрся сюся видзӖдис Василей дядь, чайтис, мый кӖнкӖ матын ичӖтик кузь коклӖн мамыс и регыд пи дорас локтас. Колис кадыс час джын кымын, а йӖра-мам абу и абу.

«ГашкӖ, неладнӖ мамыскӖд лоис да? КӖин ли ош косявліс, либӖ пицала лӗк морт улӖ веськаліс? ЙӖралӖн кагаыс мамтӖг, буди, кольӖма?» — мӖвпыштис олӖма морт.

— Лок, дзӖлюк, ме дорӖ, — корис Василей дядь йӖрапиӖс.

ЙӖрапи дрӖгмуныштис, но эз вӖрзьи места вывсьяс.

— Эн пов, эн пов, йӖюк, ог ӖбӖдит, сирӖтаӖс, — ньӖжйӖникӖн кутис матыстчыны дзӖлюк дорӖ, а сійӖ, йӖзӖс абу на аддзывлӖма да полӖмыс абу, эз вӖрзьи места вывсьяс, а быттьӖ шог синъясӖн видзӖдис дядьӖ вылӖ.

«Мый и вӖчны? Коляс кӖ татчӖ Ӗтнас, оз удит быдмыны, вӖрса зверьяс либӖ понъяс коркӖ да косявласны. А гашкӖ, мамыс на аддзысяс? Ылавліс мыйӖкӖ да пиыс и торйӖдчис. Чуксасыны кутасны ӖтамӖд костаныс да и бӖр Ӗтувтчасны. МӖд энъ йӖра пи вылӖ босьтас ли? КолӖ кольлыны лун-мӖд кежлӖ».

Василей дядь мӖд, коймӖд да нельӖд лун воывліс Рас ёль дорӖ. Недыр и кытшлалыштас, аддзас йӖрапиӖс. СьӖрсъыс пачын пӖжӖм мӖс йӖв сулеяын вайлывліс, вердыштас йӖвнас резина нӗнь помысь да и коляс ӖтноссӖ. Некымынысь тадзи волӖм бӖрын дзӖлюк велаліс Василей дядь дінӖ. Ачыс нин кутис матыстчыны, а сӗсся и эз кольччы Ӗтнас вӖрас — тотшсьӖдис морт бӖрся сиктӖдзыс. СуседыслӖн лапъя пель пӖла Шарикыс эськӖ и лӗкысь видзӖдліс вӖрса пемӖс вылӖ, но Василей дядь потш йылысь чегӖм паличӖн грӖзитыштис ваткыльлы, рыйгис, да сійӖ ӖдийӖ аддзис местасӖ жытник улысь.

ЙӖра пиӖс Василей дядь йӖртис кукань видзан гидас. Вердыштис йӖлӖн. Кутис мӖвпавны, мый сӗсся ськӖд вӖчны. ЙӖбраыд Ӗд абу

көчпи, абу весиг ошпи, кодгъясөс сылөн олиг чөжөн, уна вонад, кодкөяс теш вылө ли мый видзлісны. Йөра абу гортын видзантор. Быдмас да сійө и гид өдзөстігд дугдас төрны, өдзөссө ковмас йиркөдзыс джудждөдны. Дыр видзны Василей дядь йөрапиөс эз и көсйы.

«Быдтыштам, мед вынсялыштө, верстяммыштө и бөр лэдзам», — татшөм мөвпөн и овмөдіс мөс гыжъя вөрса зверөс гидас. Олөма морт төдіс: видзны-быдтыны, а сэсса куканьөс моз арнас начкыны йөраөс оз позь — вөр-ва да сэтчөс олысьясөс видзан закон та кузя зэв стрөг.

Йөрапи йылысь медводз төдмалісны сиктса челядь, а сэсса и вөрва да чери видзысь инспектор.

— Мед и олыштө, — шуис сійө. — Челядь, менам отсасысьяс, кутасны ваявны корось. Бура кутас сөйны, крепаммас да кутшөмкө йөра котырө и лэдзам. Йөнөдгъасын, кольөм воясө казаявлі, йөраясыс котырөн овлісны. Öти стадаас кык-куим ыджыд йөра да сы мындаөн жө и ичөтгъасыс. Видзөдла, көніджык таво найө гожиөны. Бура кутас йирсьыны да сэки оз нин вош. Вөля вылас олигөн вунөдас коркөя гидын олөмсө да бөр вөймас и видзчысьысьөн лоө.

Төлысь сайө йөрапи олис Василей дядьлөн гидын. Челядь сійөс пөттөдзыс вердісны. Корось да вөсньыдик пипу, ловпу да бадь вожьяс эз и быравлыны ляснисьыс. Шыляліс вөрса зверь тадзитө дөзьөритөмнад. Сьөктанас, дерт, ёна, гашкө, эз сод, но джуджданас Василей дядьлы морөсөдзыс нин лоис. Ёнасө эз кыз, а кокгъасыс потшөс майөг кузьтаөсь лоисны. И крепаммисны: зымнитас воддза көть бөръя кокгъяснас дзескыд гид стенө, да стрөйбаыс ставнас вөрзылө.

— Вөля вылө тадзсө вөйысьсө, — висьтавлө Василей дядь вөрва да чери видзысь инспекторлы. — Тайкө гидсө кисьтас. Öні, чайта да, татшөм кокгъяснас и йөнөдгъасті, и лоска местаясті бура нин собалас.

— Матысса лунгъясө и нуөдам. Горув йөнөд дорын вель ыджыд стада олө. И теляясыс эмось, талы ёртгъяс вылас. Вежон сайын сов катлі сэтчө. Велалісны нин, нювны волывлөмаөсь унаөн. Сэтчө и лэччөдам.

Йөрапиөс колльөдны локтісны сиктысь став челядьыс. Вөрө пыран туй дорөдз колльөдісны, а сэсса вөр-ва видзысь инспектор налы бөр тшөктіс косны. Повзьөданныд пө йөраяссө да вешгъасыны

кытчөкө ылө, вежасны вердчан местаяссө. И йөрапинымөс оз сибөдны нөшта. Отсасьны босьтис сөмын кык зонкаөс. Ковмас кө пө вөтлыштны бөрсяныыс.

— А ме нин ог ветлы колльөдчынысө. Страдна пөра өд, некор вөртис бовъявнысө, — сөмын и шуис Василей дядь да эз и колльөд мунысьясөс весиг вөр дорөдзис, көть сэтчөдз и зэв матын.

Нянь торъясөн да йөлөн чөсмөдлисны йөрапиөс, и сийө зэв на и восьласа мунис гезпом йылын сийөс нуөдысь дядь бөрся. Йөнөдын йөрапиөс ниртисны ныв лыскөн, сэтчөс дука турунъясөн, мед оз коль йөз оланінса дукуыс. Виччысьны ковмис рытъявыв шондїөдз. Сөмын сэки вөрса йөра котыр локтисны сов дозмукъяс дорө. Йөрапи аддзис найөс да ыръяниттөг и котөртис сэтчань, кутис бурысь люкасьны тшөтшъя йөрапияныскөд. Верстьө йөраяс дорө эз пыр мун. Пөттөдзис өд няньөн да йөлөн вердисны. Но төдчис: мамсө абу на вунөдөма, эз өтдортчы.

Йөрапиөс колльөдысьяс шытөг, бөр асланыс туйөд мөдөдчисны гортаныс. Кыдзи-мый сэсся йөрапи сөвмис-быдмис да олө, некод оз төд. Но медводдза аддзысьлөмсяныыс вөрса зверьяс сийөс эз кедзөвтни да, дерт, ассыныыс ныв-писө моз и быдтисны-велөдисны.



КАТЯ ДА КАТША



Катя Кызьюрова велөдчө квайтөд классын. Сылөн мамыс, Елена Ивановна, врач, уджалө поликлиникаын.

Катя детсайдйө ветлөдлїгөн на тшөкыда ворслис өртъясыскөд да чачаясөн врачысь. Вөлі гөрд крест өшөдас сояс да шуас: «Ме лоа врачөн, локтөй бурдөдчыны скачөн!»

Өні шань ныв бурдөдө лэбачьясөс. Төвнас бурдөдис гулкөс. Лэбач дзикөдз асмис «врачкөд». Пуксяс Катя пельпом вылө и ныв-калөн ки пыдөс вывсьыс шыдөс кокалө.

Сьөкыд вөлі бурдөдны чикышөс, кодлөн вөлі чегөма бордйис. Лэбачсө аддзөмаөсь класса өртъясыс да пыртисны Катяясө. Ныв-ка-врач йөдалис дойсө, топыда көрталис бинтөн да йөртис садөкө.

Тöлысь-мөд чикыш бурдöдчис Кызьюровъяс ордын да чöсмасис уна пöлөс сёян-юанөн. Кор дзикöдз бурдiс лэбачыд, Катя лэдзис сийöс ывлаö.

Бурдöдчис лэбачьяслөн больничаны и катша. Кодсюрö, дерт, дивитисны Катяöс: катшаыд пö зыргун-трепач, тыртöм мельница, шыш.

— Яндысьöй тадзё шуавны, катшаыд уна на и бурторсö вöчö. Со Марья пöчлөн лук град вывсьыс номыръяссö öктöма, виссьыс лук позьяссö бергöдлöма. Да и шыръясöс куталö, — шульвлiс Катя воча.

Катшасö нывка нимтiс Катшысөн. Сийö чотiс, гашкö, вöли чегöма либö вөрзёма веськыд кокыс. Эз вермы и лэбавны, шуйга борд улас вöли дой. Катшыслөн бöжыс кузь да турунвижов рöмьясөн югйыштлö, öтар-мöдар бокас гöныс еджыдөн пöртмасьö. «Руб-пятён» джодж кузя кор тотшсьöдö лэбач, сэк нораа горзö: «Ка-а-тя! Ка-а-тя!»


Нывка босьтлас катшаöс киас, мольöдыштас и мелiа шуас: «Бурдан, донаöй, да бөр мунан мам-бать дорад, чой-вокъяс дiнад». Дзикöдз асмис лэбачыд и нывкаысь öти воськов оз кольччы. Колис кад, и Катя восьтiс öшиньсö. Катшыс лэбзис льöм пу вылö да радпырысь горзiс: «Катя! Катя!» Час-мöд мысти бөр пырис керкаö восьса öшиньöд. Öти асывводзö Катшыс лэбзис Эжвалань и рыт-нас бөр эз во. Катя шогö уси, но шогсьöмыс вöлöма дзик прöста.

Асывнас, кор Катя садьмис, льöм пу вывсянь кылiсны мыла шыяс: «Катя! Катя!»

Лэбач эз вунöд нывкалысь бур вöчöмсö, тшöкыда волювлiс öшинь улас и чуксавлiс шань да бур нылöс мича шыясөн.



МЕНАМ ЧУЖАНИН



Чужанiнöй менам —

Мыла сылланкыв.

Чужанiнöй, тэнад

Мамлөн кодь жö сыв.

Чужтін-быдтін менö,

Зарни Коми му.

Чужанінöй, тэныд

Лёк кыв нэм ог шу.

Чужанінöй менам —

Эжва дорса сикт.

Чужанінöй, тэ тöд,

Ставлөн öти дзик.

Быд мортлөн чужаніныд медся дона, сійö заводитчö мам-бать-ыдлөн керка-карта дорсянь. Менам чужанін — Кырув грезд — ню-жодöма сывсö Эжва пöлөн. Ок и кыпид, мича да гажа коми йöзлөн важся оланіныс. Грезд весьтöдыс юыс чукультö да Гам гöраыскöд аслысногөн сывъясьö. Джуджыд кыр пöлöныс быдмöны статья по-жöмъяс, нывъяс, козъяс. Эжва важөн озыр вöлі чериөн.

Эжва важысянь вöлі комилөн ветлан-мунан ва туйöн. Эжва кузя Устюгсянь волöма Комиö Перымса Степан.

Мыйöн юыс тулыснас садьмас, шыбитас мыш вывсьыс йи эш-кынсö, лун и вой Эжва дорын йöз кыйсьöны, уджалöны, кылöдö-ны вөр, кывтöны-катöны пыжъясөн. Юлысь кельыдлöз отсö по-ткöдлісны еджыд юсь кодь пароходъяс. Эжва кузя кывтыштöны на йи торъяс, а йöз виччысьöны нин медводдза пароход. Крут бе-рег дорын кылö гудöк шы. Юргö «Мича нывъяс Эжва дорö лэч-чисны...» сыланкыв. Сералöны-дзолыгöны челядь, шмонитöны том войтыр. Котлассянь Сыктывкарöдз быд лун вöлі катöны гырысь, кык судта пароходъяс. Улыс судтаас ветлысь-мунысьыс прöстöй, уджач йöз. А вылыс судтаас — каютаясас, пырджык вöліны чина-яс да озырджыкъяс. Мыйöн пароход тшукöдас нырсö берегö, па-луба вылас петасны пассажирьяс, чолöмасьöны грездса войтыркöд.

Челядь-зонпосни эз кольлыны чолöмавтöг да колльöдтöг ни öти пароход. Посни йöз бöрся вöтлысисны Лыско, Катшыс да мукöд понъяс. Пассажирьясыд ваö шыблавлісны преник-кöлач да нянь-торъяс, а понъясыд уялісны-куталісны шыбласторъяссö. И дзикöдз найö пöвадитчисны. Мыйöн шыасяс эзысь гөлöснас пароход, понъяс увтiгтыр тövзöны Эжва дорö нин. Гашкö, абу и мича казътывны, но кутіс кывсьыны: Гамыд пö пон пристань.

Öтчыд муртса неминуча эз ло. Понъясыдкöд ваö тшöтш келіс

ар сизим-көкъямыса Толя нима зон да кутіс өктыны көлач-пре-
никтө, сэк өд шоча на челядьтө мам-батыс чөсмөдлісны
нөбөмторъяснад. «Тарас Шевченко» пароход шутөвтис бөръяыс,
чушкиг-пушкигтыр кутіс ыджыд көлесаяснас гудравны-гартны
васө. Ичөтик морттө бергалыс ыаыс кутіс кыскыны пароходлань-
ыс. Бур, казяліс тайөс ки пөла почтальон да вевъяліс Толиктө мез-
дыны вөйөмсьыс. Кымын во нин сэксянь прөйдитіс, но тайө лоөм-
торйыс пыр на син водзын. И быдыс, кор лэччыла Эжва дорө, ас
кежыс гусьөнмоз век виччыся, мый чукуль сайсянь бара тыдов-
тчас юсь кодь еджыд пароход да гораа тутөстөмнас гажөдыштас
менсьым чужанінөс.

◆◆◆◆◆ СЫКТЫВКАРӨ ◆◆◆◆◆

— Ольга, миянөс дзикөдз кутісны пөдтыны налогөн. Талун сикт-
сөветса юралыс Космортов да участкөвөй милиционер Костромин
грөзитчисны, тэ пө единоличник, налогтө ас кадө кө он понды
мынтыны, судө сетам да Човса тюрьмаын ковмас сісьмыны, — но-
расис мамлы бать.

— Сюруктө нин налогыс нуисны, а водзө вермам и керка-кар-
татөг кольны, — шуис бать.

Сюрук кывсө шуөм бөрын синваөй петіс да сувтіс син водзө сійө
шудтөм луныс, кор миянлыс семьянымөс колисны мөстөг. Порот
Миш мөслы сюръясас көрталіс гез да кутіс кыскыны коньөрөс.
Сюрук пыксө көкъяснас, оз көсйы мунны гортсьыс. Чуня Гриш
босьтис кыз бедь да кучкис кывтөм пемөслы, миянөс вердысьлы,
мыш кузяыс. Бөрдігтырйи мамук скөра крапкис: «Яндысьтөм син,
сюруксө эн нөйт», а синваыс аслас шорөн лэччө. Петіс синваыс и
мөслөн.

— Гашкө, Проня Митрей моз миянлы Сыктывкарө кайны. Сійө
письмөас вөлі гижөма, мый строительнөй техникумө колө столяр-
плөтник, олан жырйөн пө мөгмөдөны общежитиеас, — вөчис
кывкөртөд бать.

Мам-бать воисны өти кывйө: шуисны кайны карө, медым

кызкө-мыйкө мынтөдчыны сьөкыд единоличнөй налогысь. Гы-
рысьджык вокъяс Федул да Питирим уджалісны нин карын.

Керкаө лэдзисны овны вый вөчан заводысь кык нылөс. Менө
төвйыны колисны пөч ордө.

ОМӨЛКӨД ВЕНЛАСЬӨМ

Ёгор пөль дорө вылыс Котшмөсө мөдөдчө пөч, доддялө Рыжко
вөвсө. Колө сэтысь гортас лэчөдны зверь-пөтка, свежөй и сола
чери. Пөль коймөд төв вөрпунктын нянь пөжалө, а прөст кадө
вөралө да чери кыйө. И со пөч менө босьтис аскөдыс. Доддяс пуктис
турун, сэсся вольсаліс ыж ку пась и пуксьөдіс менө. Недыр мысти
Рыжко рөдтө мөдлапөвлань нин. Усьө көч гөн кодь лым. Лөнь.
Воим пожөма ягө.

— Тайө ягыслөн нимыс Пернаа яг. Зэв нин важөн, кор Перымса
Степан волөма Гамса войтырөс роч вераө пыртны, уна морт абу
көйсөма Ен ног олөмас кутчысьны, и гуалөмаөсь асьнысө татчө
ловйөн. Дзик сы вөсна и сетлөмаөсь ягыслы татшөм нимсө, — вись-
тавліс коркө бать.

Друг Рыжко сувтис да воддза кокъяснас кутис чапавны лымсө.

— Со видзөд, пиук, көин вомөналөма туйсө. Гашкө, көнкө ма-
тын на руд рөзбойникыд, вөлыд кыліс сылысь дуксө, — шуис пөч
да тракнитис вөжжисө. Вөв рөдтө водзө. Туй дорас пожөмъяс,
кызъяс сулалөны чөла. А сынөдыс чөскыд. Менам вугыртсьө-
ма.

— О, талун тшөтш и Сашук воөма, — кылі гөлөссө пөльлысь
да палялі. Пырим пекарня керкаө. Пөль сөмын на кыскалөма пач-
сьыс шобді тупөсьяссө. Гөгөр кылө чөскыд нянь көр. Пөль корис
гөститны Вась дядьөс, асьыс медматысса ёртсө, коді вузасис лав-
каын, могмөдіс кер пөрөдысьясөс сөян-юанөн. Вась дядь аскөдыс
вайөма вина суля. Пуксисны сөйны-юны. Номсасисны гортса сө-
янөн, юыштисны курыдтор. Варовмисны кык ёрт.

— Эскы көть эн, а тайө дзик збыль. Кык лун сайын тайө вөлі.

Көти няньшом да воді пекарня паччөрө. Унмовси. Кыла, мыйкө мышкөс кутіс сьокыдтор личкыны, быттё пызь мешок мыш вылын. Лолөй өдва ветлө. Казявлі, мый тадзи пө йөзөс омөль личкавлывлө. Колө пө сэки рочөн юавны: худо или добро? Ме сідзи и вөчи. Сы бөрүн омөль нөшта на крепыда топөдіс да шуис: «Вот тебе худо, вот тебе и добро». Кыдзкө-мыйкө бергөдчышті да асьсө сьыліөдыс кватиті, джагөда, мися, лешакөс. Дыр пессим. Бөрья помас сійө эновтіс менө, но скөра крапкис: ме пө тэд коркө петкөдла на пуж, — тадз помаліс висьтсө пөль да недыр чөв олыштис.

Воис тулыс, вөр лэдзысьяс разөдчисны гортас. Тулыснас да гожөмнас пөль видзис орслысь складьяссө, и өтчыд, бипур дорын шойччигөн, өзйис паськөмыс да пөрысь морт өна сотчаліс. Дыр бурдөдчис Зөвсьөртса больничачын, но эз бурд, кувсис. Пөч вөлі шуө: пөльтө пө гортса «омөльыс» биас «ташитис».

Сійө жө гожөмнас муса пөчкөд ми кайим Сыктывкарө видлыны мам-батьөс да чой-вокөс. И ме эг өтчыд налы висьтавлы, кыдзи пөль венласьөма омөльыскөд.



СКВОРЕЧ



Тулыс — волөн асивводз, сэки заводитчө гажа кад. Шонді-мам да сылөн ичөт чойыс — мелі да шань лун төв — лун-лун зіля нөнялөны войвывса му вылысь еджыд эшкынсө. Нюжмасигмоз садьмө-палялө вөр-ва. Заводитөны «гудөкасьны» шорьяс да ёльяс. Лэбачьяс востьөны тулыслысь өдзөссө да радлігтырйи ёрта-ёрт бөрсяс локтөны чужанінас. Ылі саридз дорысь воөм гөстьяс сьылөны-нимкодьясьөны да чолөмасьөны муса гортыскөд.

Со воисны скворечьяс, мукөдлаас найөс шуөны ябыр, сьөдкай, и пыр жө босьтчисны уджө: пелькөдөны кольөм вося оланінсө, керкасө. Позьясас ваялөны корьяс, турун сіяс да мукөд пөлөс небыдик вольөсторьяс. Дасьтысьөны ныв-писө чужтыны да лелькуйтны...

Со өтчыд тадзи жө вөлі март пом. Шорьяс рамджыка кутісны

визувтны. Вевтъяс вылысь дугдіс тельгыны войтва. Телевизор ан-
тенна вылын пукалісны дас кык сквореч да сьылісны мыла сьы-
ланкыв. Колис некымын лун и кытчөкө найö вошисны.

— Мыйлакө, талун оз лэбав ни öти сквореч, — юалис пöльыс-
лысь Миша внукуыс.

— Көдздөдө, сы вöсна найö лэбзисны вөрө. Талун-аски лымгя-
лас, — вочавидзис пöль.

Рытнас кутіс дурны вой төв. Еджыд тошка мельник-вой төв бара
на сетіс кымөръяслы удж. И кымөръяс кывзысисны мельниклысь.
Изісны «еджыд пызь». Усис уна лым.

— Сідзкө, төдöны скворечьясыд лымгялөмсö, — шуис пöльыс-
лы Миша.

Быдса вежон көдзыдаліс. Но тулысыд веніс көдзыдсö. Шондөдіс.
Лэбачьяс бөр воисны сиктö да овмөдчисны позъясас. Асывсянь сёр
рытөдз уджалісны-дзользисны скворечьяс.

— Миян ичөтик ёртъяс бура дөзьöритасны лельöясысь да лёк-
гагъясысь градъяс да садъяс, — радліс Миша.

Сылөн выль скворечникас быдтысисны кык лэбач.

Видза олан, дона лэбач.

Саридз дорысь воём ёрт.

Тэ öд бара тулыс вайин,

Шонтыны мед войвыв горт.

Тэд, скворечлы, кока керка

Воккөд лэптім важөн ми.

Пыр да поздысь, муса лэбач,

Быдты сәні ныв да пи.

Тöдам: градлы, садлы бурсö

Вöчан он нин öти во.

Сідзкө, сиктын кортөм гөстьөн,

Лэбач, некодлы он ло.



ВИЖЪЮР



Мишалён пöльыс быдтор тöдö да век тöдмöдö внуксö мян мича да кыпыд вөр-ванас.

— Көнсюрö куйлö на лым, а восьсаингъасын — бужöд бокгъасын, ю доргъасын — зарни тупыль юргъассö мыгчöны нин вижгъюргъас, — тадзи панис талун сёрнисö Митрей пöль медводдза дзоридз йылысь.

— Рочөн быдмөгсö шуöны мать-и-мачеха. Мыйла тадзи шуöны? — водзö сёрнитис пöль.

— Да сы вöсна, мый улысса юкöныс корйыслөн вевтгысьсöма небыдик гонкодъ сясөн. Видзöдлас серти найö бытгö шоныдöсь да небыдöсь. Сийö — мам. А вылысса юкöныс — чорыд да кöдзыд. Сийö — ичинь.

Дзоридзыс быдмөгыслөн гöгрöс падгъан кодъ. Сэни уна нектар, и мазиясöс кыскö вижгъюрыс.

— Вижгъюр — бурдöдчан турун. Ми, Миша, лун-мöд мысти ветлам тэкöд дзоридзгъассö чукöртны, — помалис сёрнисö пöрысь морт.

Тöрыт на вой тöлөн дурис,

Көнсюрö куйлö на лым.

Талун нин вижгъюр со сюрис —

Шондi моз восьтöма син.

Чунь кузя быдмөглөн тырмис

Кöдзыдкöд вермасьны вын.

Вижгъюрлөн бырöма йирмөг,

Ичöтик морöсыс пым.

Дзоридзыс гожöмланы сынö,

Матыстö гожйöдчан кад.

Соралö ма көрөн сынöд,

Мичмöдны Коми му рад.



Миян парма озыр
Вотосөн и тшакөн.
Талун чоя-вока
Котөртим ми ягө.
Дона гоб и ельдөг
Нумөн сатысь сюрис.
Турипув на колө
Вотны Ыджыд нюрысь.
Гырысь турипувийөн
Өдйө тыртим чуман.
Нопгъяс дорө муним
Өшинь пасьта нюмөн.
Воим коз пу дорө —
Виччысьтөмтор суис:
Дона гобтө кодкө
Миян нопйысь нуис.
Сулыштим и аддзам:
Коз пу лапгъяс вылын
Өшалөны гобгъяс,
Кык ур — туган йылас.

Кор кызгъяс лышкыда койөны зарни, то сэн, то тан уджач урлөн тыдалө уджыс. Пашкыр бөжа зверь лөсьөдчө төв кежлө: косьтө пу увгъяс вылын тшак, чукөртө коль. Өшөдөм гобгъяс бура косьмөны. Сидз и кутасны өшавны найө увгъяс вылас, кытчөдз кутшөмкө төвья лунө оз скор урлы. Төв кежлө ур оз сөмын сөян запты, но и бура дасьтө оланінсө: коргъясөн да нитшкөн сюялө быд кост. Медым узьяніныс вөлі небыд, пуяс вылысь катлө гөн кодь небыд рой. Шоньд пася зверлөн гөжөмнас гөныс гөрдоват, пожөм кырсь рөма. Та вөсна сийөс хищной зверьяс озджык казьявны. Лым усьтөдз, сөр арнас, куыс рудөдө.

Тулысын, кор шонді лышкыдджыка койө югөрсө, чужөны урпиян: ичөтикөсь и синтөмөсь. Мамыс дзолукгъяссө нөньөдө сук да чөскыд йөлөн төлысь кык кымын. Июньын урпиян збоя чеччалөны нин пу увгъясті, лэччылөны муөдз да чөсмасьөны вотосөн да тшакөн.

Гожомын, кор ёна жар, ур луннас шойччө позъяс. Сёян-юансö сійö корсьö сөмын водз асывнас да сёр рытын. Пельк зверлөн бөръя кокъясыс кузджыкось воддзаяс сертиыс да зэв зумыдось, быттё пружина, йоткасьö и вермё чеччыштны 7 — 10 метрöдз. А пашкыр бөжыс парашют кодь, отсалö кутчысьны сынöдас.



СИР ПЫДДИ УТКА



Восьтис öшиньсö кыа, и асья шондi нюмъялигтыр мыччис гожъялём чужөмбансö. Мөдлапөвса рас югзис аслыспөлөс мичлунөн.

Раслөн войвыв бокö нюжөдöма сывсö эжөра вад. Сійö озыр чериөн. Водз тулыссянь сёр арöдз сэнi кыйсьöны сиктса олысьяс. Öтияс — вуграсьöны, мөдъяс — көвтымөн, коймөдъяс — ботанөн лэпталöны ёкышъяс, сиръяс, кельчияс да сынъяс. Талун со Опонь Илля Миш внукыскөд ва дорынөсь нин. Деда-пия вугралыштисны посныдик кельчипиянөс, сирлы сам вылө. Ловъя черисö самалисны донкаö да вöйталисны ваö. Донка помъяссö көрталисны берег дорын быдмысь пуясö.

— Пөльö, гашкө, сиръяс чөсмасигкості ветлам Ыджыд нюрö да төдмалам, эм-ö таво мырпомыс, — шыасис Мишлөн внукыс.

— Тасянь нюрөдзыс верст куим-нель лоö, да и ордымыс кутöма тырны пужйөгөн, воан-ö тэ, пиук, сэтчөдз? — юалис олöма морт.

Дас öти арöса зон гогнитис юрнас да шуис: ме пö, пөлюк, тэысь тэрыбджык нин.

Час-мөд ветлөдлісны кык чери кыйысь. Кор найö бөр воисны вад дорö, аддзисны чуймөданатор. Öти донка весьтөд кыпөдчис утка, но бөр усис ваас.

— Мыйла уткаыс эз вермы лэбны? — юалис пөлъыслысь зонка.

— Сир пыддиыд донкаад утка шедöма.

Пөлъ кыскис донкасö, а утка лёк ногөн нетшкысис-пессис. Бөръяпом Илля Миш кызкө-мыйкө босьтис жö уткатö, топөдіс морөс бердас да перйис лэбач вомысь кельчия вугырсö, сэссия вывлань качөдіс да велөдыштис: поздысь пö, быдты дона пиянтö да

водзё эн горшась йёз кыйдос вылө! Утка качодчис, вочис кытш да лэбзис Эжвалань.

❖❖ ПОВОДДЯ ВИСЬТАЛЫСЬЯС ❖❖

Миян турун пуктан видзыным мөдлапöлын, Лёомты бокин. Вöли шойччан лун. Мам да бать дасьтысисны мунны видз вылө ытшыны да куртны-чöвтни.

— Талун аскөд нуөдлам Мишаос, сийö бергöдыштас турунсö, а бöрас озтор öктыштас ичөтджык чой-вокыслы. Ок и ёна таво артмöма озйыс, тусьясыс пев пом кодьось, — шуис бать. Мам ошкис бательысь вöйöмторсö.

Со ми и видз вылынöсь нин.

Пöльтö небыдик төвру. Кыпыда сьылöны лэбачьяс. Сигудökөн ворсöны чиркьяс да йөктöны. Варовитöны кыдзяс и пипуяс. Мам да бать ытшкöны, а ме öдийö бергöдлi турунсö и котöрти оз öктыны. Эз на тыр дозмукöй, а кыла бательысь горзöмсö:

— Мишук, донаой, лок миянлы отсав куртны-чöвтни ма кöра турунсö, пажын бöрас зэрмас да кötодас. Кор воим татчö, чиркьяс сьылiсны да йөктiсны, а öни чöv олöны. Найö, вөлöмкö, ланьтлöны да дзебсьылöны зэр водзын.


Ми куимнад öдийö и куртiм-чövтiм ыджыккодь зорöд. Муртса сигöрмис зорöдыс, вөр сайсянь кыпöдчисны сьод кымөрьяс. Кутiс гымавны да вирдавны. Регыд зэрмис. Чиркьяс — ловья барометрьяс — миянлы водзвыв висьталiсны поводдя вежсьöм йылысь.

❖❖❖❖❖❖ КАТША ШЫД ❖❖❖❖❖❖

Коми аньяс да дядьöяс велöдiсны ассыныс быдтасьяссö зарни правилö: «Немтор йöзлысь эн вөрзьöd».



«Катша шыд» висёт дорō



«Котшмӧс юдорса керка» висът дорӧ

Сідз жö и пармаын — йöз чöс туйысь капканö-петляö шедöм зверь-пöтка некод эз вöрзбöдлыв.

Но Чабарь грездын овлöма öти кузь киа. Шулывлöны тай: ыджыд семьяад пö и неморт на чужлö. Сэтшöм кузь киа мортсö сиктса йöз ас суднас судитлывлісны да лэптывлісны серам вылö.

— Арнас сьöлаяс вылö петляяс пуктавлі, — висьталö Гриш Василей. — Ог норась, местаыс бур и пöткаыс шедö. Но кодкö пустуйтчö. Öтчыд пув вотігөн челядь казялöмаöсь чöс туй вылысь Максим Педöрöс, кызди сійö петляö шедöм сьöла босьтöма. Часы, коркö ме Педöрöс велöдышта...

Кöздöдіс. Уси кöч гөн кодь небыдик лым. Öти войö Гриш Вась кань моз кайис Максим Педöр керка вевт вылö, перйис зепсьыс кулöм катша шой да кöрталіс катшаыдлы сьыліас сунис. Сунис помсö кöрталіс тьöс пельöсö, суйис пач труба пытшкас.

Асывнас, кор Педьлөн гöтырыс ломтіс пачсö, пачводзас шыд чугуна пуктіс, дона верöсыслы сьöла шыд кöсйö пуны. Кыз тшын петтöдзыс нывбаба чугуносö колис пачводзас.

Пач ярмис, жарыс тшын сорнас пуркйö-петö пач трубаöдыс. А сунисыд сунис и эм, öдйö сотчис.

Катшаыд усис и суніс шыд чугунад. Кöзяйкаыд эз и казявлы лöмторсö. А коркö сэсся и воис сёян-юан кад. Педöрлөн гöтырыс лöдіс бекарö шыд васö да вайис пызан вылö. Важöнтö медводз вöлі шыд васö панялöны, а бöрас яйсö сёйöны.

Гоз-мöдысь паньыштіс шыдтö наян морт да скöра шуис гöтырыслы:

— Тэ нö, Клавдия, эн мöй сьöлатö кушты? Шыдас тай гөнторьяс гөвкъялöны?

— Бура, зэв бура куштылі пöткатö, сартаса биөн чишкалі и, — вочавидзис гöтырыс.

— Ноко, лэпты чугунысьыд сьöласö, — корис кöзяин.

Клавдия и гумовтіс чугунысьыд катша шой.

Ок и скöрмис татшöмтор вылад наян мортыд, сьöласьны кутіс — сэрпалін пö тэ менö талун, Клавдия.

Катша шыд панялöмсö Педöрлысь аддзыліс Чуня Пекла, коді воліс пукавны на ордö. Грездса войтыр сійö жö луннас нин сёрнитісны, кызди Максим Педöрöс гöтырыс катша шыдөн вердöма.



ВОЙНА КАДӢ



ТайӢ арся асылыс менам некор оз вун, Ӣд сэки фронт вылӢ колльӢдӢм батьӢс. Анна тьӢт доддялис Рыжко вӢвсӢ, телегаас пуктӢс турунтор и шуис, мый позьӢ мӢдӢдчыны.

БатьӢй пуксис мамуккӢд орчӢӢн, а сӢссия чукӢстӢс и менӢ: лок пӢ, Мишук, тшӢтш сӢв. Телега гӢгыльяс аслысногыс дзуртыштӢсны, быттьӢ петкӢдлӢсны шогнысӢ фронт вылӢ мунысь морт кузя. Туй бокрын сулалысь кыз пу мелӢа кышӢдчис кельдӢдӢм корьяс-нас да шӢпкис: став бурсӢ, став бурсӢ, бур мортӢй. Со и колис батьӢн муса грездыс, петӢм мир туй вылӢ...

БатьӢй топыда кутыштлӢс менӢ, шуис: «Мамыдлы отсасыны колян тӢ». МыйкӢ шуны ме кӢсйи и ачым, но горш дӢнӢс гӢрддзалис и сӢмын нурбыльтӢм артмис.

СиктсӢвет дорын ме тӢрмасьтӢг чеччи, батьӢ бӢрьяысь окыштӢс да топӢдлӢс киӢс. МамлӢн синваыс шорӢн тӢльгис. Тадзи батькӢд ми и торьялим. ГортӢ колим нӢль чоя-вока. Медыджыд-нас вӢли ме — арнас тырис дас кык арӢс. Зоя чойлы — дас. ИчӢ-тджык вокьяслы — сизим да вит арӢсӢн. Миян мам уджалӢс рейдын, пурьясис тӢв и гожӢм, мырсис водз асывсянь да сӢр рытӢдз.



БАТЬСЯНЬ ПИСЬМӢ



Пажын бӢрын сиктса почтальӢн Ки ПӢла Вась вайис миянӢ письмӢ.

— Ноко, Мишук, йӢктышт, — нюмьялӢгтыр шуис Вась дядь.

Бур юӢр кӢ письмӢас, дерт, позьӢ и йӢктыштны. А лектор кӢ — синва ковмас кысьтны. Кори йӢктытӢг письмӢӢсӢ сетны. Почтальон мелӢа видзӢдлӢс ме вылӢ, мыччис вайӢмторсӢ и — ӢдзӢсӢ. А ме пыр жӢ осьтӢ письмӢӢсӢ да азыма кутӢ лыддыны.

«Видза оланныд, муса гӢтырӢй ОльгаӢй, менам челядӢй: Ми-

шук, Зоя, Коля и Вася. Талун вичмис кад и косья письмō пыр, до-
наясой, тiянкōд сёрнитыштны.

Ми ёртъяскōд доръям Ленинлысь карсō Синявинскōй нюр бо-
кын. Олам лыс чомйын. Тани эмось комияс, рочьяс, украинецьяс,
белорусьяс да уна мукōд кыла йōз. Фашистьяс тшōкыда атакуйтō-
ны миянōс, шыблалōны минаяс да бомбаяс. Тōрыт мина осколокōн
дойдiс Сыктывкарса ёртōс. Ме ловъя и дзоньвидза.

Тэ, Ольга, асьтō видз да челядтьō кызкō-мыйкō кок вылас
сувтōд. Бурджык кōм-паськōмōс, мый менам колис: хромōвōй
сапōгōс, костюмōс, ной пальтоōс, бурджык дōрōм-гач вузав, ньōб
нянь. Нинōм эн жалит. Ен кō тшōктас бōр локны гортō, ставсō на
вылысь нажōвита., — гижис бать. — Миша да Зоя, кывзōй мамтō,
отсасьōй сылы. Ичōтджык вокъястō видзōй. Гожōмнас кōзаясыд-
лы дасьтōй тырмымōн бадъ да кыз росьяс. Мед кōть и этшаник,
но асланыд йōвтор».

Письмō помас вōли гижōма: «Пōся кутла ставнытō, окала. Оль-
галōн верōс, ныв-пилōн бать, красноармеец Иван Исаков».



БАТЬЛЫ ПИСЬМō



«Видза олан, муса батьōй. Тэ дорō ыджыд чолōмōн да став бурсō
сиōмōн мам да ми ставным — нель чоя-вока. Тōрыт тэсянь воис
письмō. Куимысь ставлы лыдди, а талун ме гижя воча кыв. Мам
гижнысō оз эшты да ме заводитi. Ми, кызди шулōны, Ен сукōд,
олам-вылам на. Сьōкыдлуныд, дерт, тырмō. Зоя гортгōгōрса уджсō
зильō вōчны, кокньōдыштны мамōс. Ме дасьта пес-ва, велōдчи лысь-
тыны Роза да Дуся кōзаясōс. Луннас куим литра сетōны. Зоя кер-
ка пытшкōс уджъяс вōчō, ичōтджык вокъяс бōрся видзōдō. Чойкōд
жō даддьōн навōлōк бōжō пeсла ветлывам. Кырнышев Педь,
колхозса предным, миянлы вōвтō оз сет, шуō: тi пō единолич-
никъяс...

Мамук пемыдсянь да пемыдōдз уджалō рейдын, вōр пурьялō Соп
юын. Рытнас одва кокъяссō гортлань кыскō. Велōдчам бура, но

школасо ломтоны лёка и ёна кынмам кодзыд лунгъяснас. Кодзыд вoснаыс чернила кынмo. Неважон школаo воис выль учительша, история велoдo. Сийo вoлoма фронт вылын да ки пoвco воштo-ма.

Таво арнас мян сиктo вайoдисны карелгъясoc. Мян классын куим зонка-карел. Коля нима зонлoн мам ни бaть абу. Олo сийo Киpo Марья пoч ордын. Коньoрлoн ceян ни юан, кoм ни паськoм абу. Ми став классoн тoждысям сы вoсна. Кодлoн мый вичмыштo, сийoc и сeтам сылы.

Ми асьным сьoкыда жo олам. Мам паeкco лавкаысь ваяс да вит пельo юкo, быд нянтор oтыджаo вoчo. Ме эськo шуа: мися, тe уджалан ёна, аслыд ыджыдджыктор бoсьт.

— Шань, пиук, тiяны оd быдмыны колo, — шуас, а аслас син-ваыс петo. Бур, мый Анна тьoт пыр на асьыс Рыжкoco видзo. Сийoн орсысь кыскасьo. А вoвгъясыдлы зoр сетoны. Тьoтка вoвco удзo-дыштo, а зoрсo мянлы сетлывлo. Сийoc ми косьтам и кoрт пома тоинoн масьтам гырйын. Зoр пызьсo турун сора пызьoн мамук сo-ралo да сoчoнгъяс пoжалo.

Пронь дядь пыж вoчo. Тулыснас кoсийo рoчo нянь вылo вузав-ны. Но мый сeсья и гижнысo? Бaтьo, видз асьтo фашистскoй пу-ляысь. Видза колям, аддзысьлытoдз. Тeнад пи Миша. Ставсянь ыджыд чoлoм».



НЯНЬЛА РОЧО



Пронь дядьлoн куим мегыра пыж дась: сиралoма-дзижалoма пыдoссo и набoйяссo. Ва войт оз пыр. Пелыс-oпаснoйсo кос пипу пoвгъясысь вoчoма да зeв кокныдoсь.

— Но, Ольга, Эжва вoссис нин. Аски тiян шoйччан лун и позяс рoч муo ветлыны, сю да кaртупель ньoбны. Тoдан: кольoм во сот-чис Сьoртгъыв бoкса яг. Сeтчo ректас вoчам, идтор кoдзам да кaртупель пуктам. Кырнышев Пeдыд усадьбaтo кильчo пос дoрoдзыд бoсьтис-а, — пырoмoн тшoтш панис сeрни Пронь дядь.

Ольга зэв рад лоис олома морт сёрниысь да ставсö кöсьис петіг-кежлö дасьтыны рытсыанысь. Аскöдыс кöсьис босьтны Мишаос да Зояос. Горт овны кольччис Анна тьöt.

Мыйöн югдіс, пыр и петісны туйö грездса нель морт. Тувсов ваис туöма, ызгö-бузгö. Öдйö нуö пыжсö горув, роч мулань. Пронь дядь бöжалö, а ми мамкöд вежласьöмөн сынам. Бөрö коли Зөвсьöрт. Регыд тыдовтчис ыджыд көрт пос. Пос кузяыс чушкис-пушкис поезд, кыскис вагонъяс. Пос вылас сулалісны пицаля войтыр. Найö тшöктісны миянлы сувтны берегö. Öти морт локтіс пыж дорö, видзöдліс миянös, пыжысь көлуйнымös, öвтыштіс кинас да шуис рочön: «Хорошо, ничего подозрительного, продолжайте свой путь».

Рытланьыс нин ми сувтім öти роч грезд дорö. Пронь дядь да мам мунісны көлуйön грездас, а менö Зоякöд колісны пыж видзны. Недыр мысти пыжлань локтісны мам, Пронь дядь, кык нывбаба да Зоя кодь тушаа нывка. Мам да Пронь дядь мышъяс сайын тыдалісны нопъяс.

Роч нывкаыд аддзис Зоя вылысь мича платтьöсö да шыасис öти нывбаба дорас: «Мама, пусть эта девочка продаст своё платье. Очень прошу, поговори с ними». Нывбаба кутіс корны, медым мам вузаліс Зоялысь платтьöсö.

Мам видзöдліс Зоя вылö, Зоя — мам вылö.


— Продай, продай, зыряночка, четыре килограмма зерна отдам за платье, — кутіс дзайгыны роч аныд.

— Сю вылад, мамук, колö зьскö сетны платтьöös, да кызд нö ме кута пароход вывсьыс петны Гам пристаняс, — шуис чой.


— Ме кык юбкаа. Öтисö пөрчча и сійös тэ пасьталан, Зоя, — меліа тшöктіс мам.

Со таdzi и вузасим ми, нель коми морт Ленскöй районын олысь рочьяскöд. Налы — көм-паськөм, ас киön мыйкö вöчөмтор, а налысь коми войтыр ньöблывлісны сю, нянь, картофель. Öнөдз ог төд мыйла, но роч сиктясын война кадö олісны бурджыка. Мөд лунас Пронь дядь вузаліс пыжсö сю да картофель вылö. Пуксим пароход вылö и мөдöдчим гортлань.

А курсьыс вонасьöм борни рочьяскöд видіс сідös отрядса начальникоя. И регыдья владь отрядсь Архангельсь пыр жöд-тшöкты



ОЗЫРЛУНЫД — УДЖЫН



Мойд

Чабара грездын овлөмаось-вывлөмаось гозъя, найо быдтылө-маось өти пиос. Мам-батыслы зэв вөлөма сьокыд Парпонь нима писо крестьянскоёй уджо велодны. Абу прөста шулөмаось пöрысь йоз: өти пиыд пö даскөд воча. Батыс дзик пöгибөдз воис, видас-видас Парпоньос, а сылы веськодь, өти пельодыс пырө, а мөдодыс бөр петө. Дыш оклупень дай ставыс — сөмын сыв судта тушанас, а нинөм вылө шогмытөм морт. Сийө мөвпалө сөмын сы йылысь, кызди эськө зарни чукөр корсыны да озырмыны.

Өтчид батыс локтис тыла вочанинысь и радпырысь висьталис пиыслы: ме пö раскысь аддзи зарни чукөр. Мунам, пийө, өдийджык сэтчө лэчид черьясөн да зырьясөн. Медым некодлы жө оз сюр озырлуныс.

— Зарни чукөрыс кыз пу улын куйлө, — висьталис батыс да индис местасө. — Пөрөд пусө.

Зон зила кутчысис удж бердө. Öти пу пөрөдис, мөдос, коймөдос, а зарни пыр на эз сюр. Батыс мырьяссө бертө. Мыр улас пö куйлө озырлуныс. Парпонь кутис и батыслы отсасыны, но зарни эз на сюр.

Ёна мудзисны, шойччыны пуксисны, мөвпалөны, мый водзө вöчны.

— Деньгаыд эм, эм тані, сюрас на миянлы, — водзө ышөдис быд-тассө батыс. — Сөмын гөрны ковмас мусө. Сэки нин быть сюрө.

Сидзи и вөчисны. Небзьөдөм му вылас батыс ид да шобди көдзис. Сюыс бура быдмис, зарни шепьясыс весьт кузя. Небыдик төвру кышөдчис сюын, а шепьясыс вашкөдисны: «Озырлуныд — уджын, уджын...»

Идралисны арнас няньсө, вартисны да Яренскоёй базар вылө быдса вөв додь нуисны вузавны. Уна и сьом нажөвитисны.

— Аддзан, Парпонь, пөсаятөдзыд кө уджыштан и зарниыд ачыс локтө тэлань, — нюмгялигтыр шуис пиыслы батыс.

Та бöрын өтка пи кутис кутчысыны быд удж бердө.



И ТАЙО ОТИ СЕМЬЯЫСЬ



Гам сикт увтi шлыньгö-визувтö Эжва. Сы дорö лэччöдöны веж муяс, юковтысь ордымъяс, вöла да машина туйяс. Дзик ю бокас паськöдöма сывсö Кырув грезд. Овлis-вывлis танi Дмитрий Григорьевич Кирсовлөн ыджыд да уджач семья. Муса гöтырыскöд, Наталья Дмитриевнакöд, Дмитрий Григорьевич быдтiс да сувтöдiс кок йылö öкмыс челядьöс.

Пертö Мить — татшöм нимөн тöдiсны крестьянскöй удж нуöдысь мортöс ас сиктсаяс. Но уджач да зиль мортöс пыдди пуктылiсны эз сöмын Гамын. Пыж, додь, дадь, мегыр ньöбны сылысь волылiсны весиг орчча Ленскöй районсянь. Нимавлis и чери кыйöмөн. Тöv көть гожöм эз быравлы Митьлөн свежöй, сола и кос чери.

Олöм-вылöм дзольгис-визувтiс Кырув шор моз. Челядь быдмисны-сöвмисны да öти бöрся мöд лэбачьяс моз кутiсны корсьны ассьыныс олан туйвизь.

И со гымыштiс 1941 вося июнь 22 лун. Фашистскöй Германиялөн съöd кырнышлөн кодь лөк бордъясыс падмöдiсны олөмсö и Гам сиктса войтырлысь. Вит пиöс да Нина нывсö колльöдiсны Великой Отечественной война вылö Дмитрий Григорьевич да Наталья Дмитриевна Кирсовъяс.

Кор колльöдiсны фронт вылö Миша писö, батысь шуис Емдiнын, митинг вылын:

— Мөдöда Рöдина дорйыны витöд пиöс. Наысь кындзи врагкöд косясьö и Нина нылöй, дорйö вөрöгысь Москва кар, Рöдиналысь съөлöмсö. Ме и ачым вöвлöм салдат, верма на кийн кутны винтовкатö. Чукöстас кө Рöдина, муна кось вылö. Смерть немецкöй оккупантъяслы!

Медыджыд пиыс, Иван, война заводитчытöдз олis да уджалis Емдiнын, вöли кылöдчан контораса бухгалтерөн. Сийöс, кызди за-пасса командирöс, индiсны райвоенкоматбердса учебнöй пунктö начальникöс вежысьөн. Сэни Иван Дмитриевич велöдiс том йöзöс, кодъяс эз на вöвны действительнöй военнöй служба вылын, салдатскöй наукаö.

А курсьяс помасьöм бöрын райвоенкомат индiс сийöс отрядса начальникөн. И регыдъя кадөн отрядсö Архангельск пыр мөдöдiсны

Карельской фронт выло. Пыртомаось воли 71-од стрелковой дивизиялон 131-од полко. Полкас старшой политрукнас воли мяян земляк жо, Александр Яковлевич Тырин. Войнаодз сийо уджалис Коми Госбанкын управляющейос вежысьон. Недыр мысти стрелковой полксо шыбитоны Ленинград дорйыны. Иван Дмитриевич, кодлы удайтчис кольны ловйон да бергодчыны гортас, казтыло:

— Ёна уна боец погибнитис Ленинград дорйгон. Оти вражеской атака дырйи съоқыда ранитчом борын кувсис и политрук Тырин. Земляклон гу дорын боецъяс сетисны кыв: враглон кокъясыс оз тувчыны Ленинградо.

1943-од вося январь 12-од луно Ленинградской да Волховской фронтъяс заводитисны контрнаступление, медым ородны фашистьясельсь блокадасо. Квайтод лунас кык фронт отлаасисны. Лои восьтома карлань туй. Ленинградо модис локны сёян-юан, воюитан техника. Кар-геройос дорйомьсь И.Д.Кировос наградитисны «За оборону Ленинграда» медальон. Иван Дмитриевич воли и Курск дорса чорыд тышъясын. Сийо тышъяс борас сылысь морессо мичмодис Гюрд Звезда орден.

Водзо фронтвой туйясыс вайодлисны Иван Кировос Киево, Житомиро, Варшавао. Тышкасис и Берлин босьтигон. Ветеранлысь боевой подвигъяссос пасйома уна наградаон.

Война вылысь воом борын пыр жо кутчысис мирной уджо — бара лои кылдчан контораса бухгалтерон. Тайо уджыслы Иван Дмитриевич сетис кызь квайт во, мыйысь ношта пасйисны Трудовой Гюрд Знамя орденон. Иван Дмитриевич готырыскод быдтисны да велодисны кокъямыс челядьос. Ставныс найо лоины зэв шань йозон: учитель, инженер, агроном, тренер...

Великой Отечественной война вылын Родина-мамос дорйисны Дмитрий Григорьевич Кироволон и мукод пияныс — Николай, Михаил, Василий да Александр.

Николай 1941-од вося декабрын погибнитис Москва дорйгон. Сылон чойыс, Нина, тодмалис вок усьом йывсьыс, мунис военкомато да корис мододны, кыдзи доброволецос, фронт выло, медым сувтны стройо вок пыддиыс да босьтны водзос. Нина Дмитриевна Москва дорын кодйис траншеяяс, кыскалис артиллеристъяслы снарядъяс. Съоқыд фронтвой туйсо боец-нывбаба восьлалис Москвасянь советской граница дородз.

Они Нина Дмитриевна пенсия вылын, оло Ухтаын ныв ордас. А шойччыны петтодз уна во уджаліс Межогын скот дорын, век воли медбур лыстысысыяс лыдын.

Сьокыд фронтөвöй туй шедіс Василий Дмитриевич Кирововлы. Войнаыс сылы заводитчыліс Маннергеймлыс дорысыя визьсо штурмуитигон на. Гитлер уськодчөм бөрын Василий веськаліс фронт выло медводдза лунсяныс. И кызкө дзоньвидзаон век кольліс. Дорыс Сталинград, вуджис Днепр, кызди и Иван вокыс, участвуйтис Берлинскöй операцияын. Абу сьокыд гөгөрвоны, кымыныс сылы вичмыліс видзөдны смертьлы синмас.

...Запорожье. Командованиесянь воис приказ: босьтны Новосергеевка хутор, көни немецьяс кутисны крепид оборона. Вывлань кайисны ракетаяс, заводитчис наступление.

— Взвод, ме бөрся! — кылө взводной Кирововлөн стрөг гөлөсыс.

Салдатьяс «Ура!» горзигтыр кыпөдчисны траншеясыс да окопьясыс. Вөрөг, кылө, дрөгнитис. Но виччысытөг тыдовтчисны немецкөй танкьяс и кутисны койны бион боецьясөс. Командир Кировов сьокыда ранитчис вражескөй осколөкөн да воштіс садьсө. Некымын час мысти Василий воис ас садьсө. Вой. Пемыд. Неылын кылө тодтом сёрни. «Колө кызкө писькодчыны асланым йөз дорө», — мөвпалө взводной. Кывны кутисны кок шыяс. Кызь-комын воськов сайыс казяліс немецьясөс. Зептас Кирововлөн волины гранатаяс. Кор фашистьяс воисны матөджык, сийө шыбитис налань кык граната. И гөгөр сэсся бөр лөнис. Югдытөдзыс, сьокыд дойсө терпитигтырйи, уйс Кировов асланым позицияслань... Дыр ковмис бурдөдчыны. Но врачьяс сувтөдисны сийөс кок йылө. В.Д.Кирововс наградитөма Гөрд Звезда, кык Отечественнөй война да Слава орденьясөн. А медальыс морөс тырыс.

Победа лун, кызд-мый вермисны, матыстисны тані, тылын, ветераньяслөн чойясыс: Анна, Клавдия да Мария. Асья кыасянь сёр рытөдз вын жалиттөг найө уджалісны колхознөй муяс да видзьяс вылын, вөр дялянкаясын, кылөдчанінын.

— Ме сэки уджалі Гамса кылөдчан рейдын, пурьялім да кылөдім вөр. Ми, нывбабаяс, вөрөтөн пурьявлім 250 — 300 кубометр кер өти сменанас, — казтылө Анна Дмитриевна.

Клавдия Дмитриевна война воясө уджаліс Межөгса вөрпунктын — вөлөн петкөдіс кер, увйысис, чинтасис.


1945-öd во. Помасис война. Август төлысь. Клавдиялы воё военкоматсянь повестка.

— Ми, Клавдия Дмитриевна, шуим мөдөдлыны тиянос боевой задание выло. Колө Прибалтикакысь вайодны Коми республикаө вөвъясөс, — панис сёрни военком.

134 нывбаба пароходөн кывтисны Котласөдз, сэсса көрт туйөд мөдөдчисны Каунас карө. 740 вөв гөрдлисны бөр туйө петигөн.

— Ок и сьөкыд вөли вуджны вөвъяс вылын кузь туй Каунасянь Великие Луки карөдз! Киссьыны кутис ком-паськом, сувтисны көдзыд лун-войяс, сёян-юаныд лөкинзди. Дзикөдз кутим тойоссьыны., — синва сорөн казгыло тайө ветлөмсө Клавдия Дмитриевна. И сөмын ноябрь помын вөла нывбабаяс бергөдчисны республикаө...

Со кутшөм туй вуджис война воясө Гамса дзик өти семья. А мыйта татшөмыс Коми му пасьтала...



КЫВЗЫСЬТӨМ ОШПИ



Зарни шондi лунысь-лун зильджыка койö югöрсö. Лунъяс лосны кузьджыкөсь. Сылö лым. Садьмö аслысногөн парма. Садьмö пармаса көзяин — ош. Гусьыс сийö петö ю восьмө бöрын, кор ёльяс да шоръяс бокын тыдовтчöны кушинъяс. Эньыс тайö кадас семьяа нин, төвнас гуас пиянасьö да. Ошпиян нёнялöны мамыслысь чöскыд да сук йөвсö. Но регыд оз кутны пöтны. Сэки варгыль кока зверь велөдö ныв-писö кынөмпöt корсьны: сись мыръяс жуглö, эжа кульö, а пияныс сэтысь корсьöны номыръяс да көдзыдысь дзесьсөм гагъясөс. Радейтö ош пияныскөд чөсмасьштны кодзувкотъясөн. Аддзасны кодзувкоткар, пуктасны лапаяссö чом вылас и виччысьöны, кор лапаяс вылас каясны кодзувкотъясыс, а сэсса азыма нюласны шома чөсмасянтöрсö и бара нюзөдöны лапаяссö кодзувкот чукөр вылö. Кор нин этшаммасны чөсмасян гагъясыс, дөзмөм ош-пиян, вежөртөм на вöрса пемөсьяс, пузувтасны кодзувкоткарсö. Чайтöны, сэтысь бара на нурыс сюрö.

Энь ош — скөр мам. Ошпийан, ичөтъясыд, кывзысьтөмось да ёна бурнас кыдзи велөдан? Зэв ичөтнас мишка-машкаяс мам кок гөгöрыс и гартчöны, а мыйöн быдмыштасны — ышмыны кутöны. Ми Митрей пöлькөд аддзылим татшөм кывзысьтөм ошписö.

Луныс рытлань нин катовтис, а пöлькөд пыр на вуграсям Котшмös юын. Чериыс бура вöли шедö. Гырысь комъяс азыма босьтöны самнымös. Пуксим нурьясьыштны. Пöль перйис нопсьыс черинянь, нянь тупöсь, сакар.

— Видзöдлы, видзöдлы, муса пи, Котшмös мөдар бокас. Аддзан вöрса багатырлөн пиыс тапикасьö, — шöпнитис пöль.

Ме кути дзоргыны ю мөдарас. Некор на öд эг аддзыв ошкös ни сылысь пиянсö. Дугдим аклясьöмысь, виччысям, мый лоö водзö.

Кывзысьтөм Мишутка локтис важ пожөм мыр дорö, кайис вылас. Гашкö, дум вылас усис мамыскөд чöсмасьöмыс. Видзöдлис веськыдвылö — некод абу, шуйгавылö — некод жö оз тыдав. Мышладорас шылькнитчöма нейджыд ты. Лэччис мыр вылысь да тылань котöртис. Аддзис, тыдалö, асьыс вуджöрсö ты бокти котöртигөн лөнь веркöсысь, чеччыштис-сунгысис ваас. Повзис да бөрддзöма моз горöдис, петис васьыс. Тöждысьысь мамыс здук — и пи дорас, скöра видзöдлис да шонтыштис лапанас ошпились боксö. Кывзысьтөм ичөт ош гөгöрвоис: лёк делöйд, и котöрөн вөрö. Энь ош — сы бöрся.

— Адзылин, шöвктугйöй, кыдзи ышмысь да кывзысьтөм писö велөдö ош-мамыс, — шуис ньöжйöник пöль.



ЭЗ ВУНÖД ЧУЖАНИНСÖ



Öти асивводзын, кор батькөд лэччим Эжва дорö вуграсьны, Кырув шор бокысь аддзим кутшöмкö ичөтик лэбачлысь позсö. Позъяс вöли нель кольк: куимыс эз торъявны ёрта-ёртсьыс, а нельöдыс ёна ыджыдджык вöли.

— Тайö, тöдöмысь, көк пуктис кольксö лэбач позъяс. Сийö некор оз вöч поз, сылысь пиянсö быдтöны-лелькуйтöны мукöд лэбачьяс, — висьталис меным бать.

Ми айкөд тшөкыда кутім видзөдливны лэбачлысь оланінсө. Колис кад, и колькъяс пытшкысь петісны дзюлюкъяс, ичөтикөсь, гөнтөмөсь, вижов ныраоьсь. Мам-батьыс ёна төждысисны ичөтик пиян вөснаыс, вердісны найөс нидзувъясөн, лельюясөн.

Медгорша сёйис көкпи. Сійө быдмис өдйөджык мукөдъяссыс. Өтчыд казялім: позъяс кольөма өти жебиник лэбачпи да көкпи. Көнөсь нө мукөд пияныс? Регыд турун пиысь аддзим кулом пиянсө.

— Горш көкпи, кор сылы оз кут тырмыны сёяныс, шыблалө позсыс ичөтик лэбачлысь быдтасьяссө, — шуис бать.

— Босьтам да гортын быдтам көкписө. А төждысьысь да уджач лэбач медым быдтө, кок вилө сувтөдө ассыс дзюлюксө.

Бать довкнитіс юрнас.

Ми ичөтик вильыш рөзбойникөс овмөдім курөг чомйө. Сійө регыдөн и велалис миян дорө. Вердім гөстьөс номыръясөн, нидзувъясөн, гут-гагйөн, велалис сёйны яй да нянь торъяс. Быд пөрйө, кор вайлім сылы сёян-юантор, лэбач радлігтырйи паськөдліс бордъяссө. Кор петавліс позсыс, тшапа тотшйөдліс джоджөд, качөдчывліс и шкап вылөдз.

— Көкыс лои верстьө, бордъясыс вынсялісны. Но лэдзтөдзыс сылы пуктам пас, — паніс сёрни бать. — Көн чужө-быдмө лэбачыс, төвйөм бөрас бөр локтө чужанінас.

Алюминиевөй лист тор вилө ёсь көрт тувйөн гижим: «Гам сикт...» Вөсньыдик сутугаөн көрталім пассө көклы кокас. Петкөдім керкаысь, нуим Кырув шор дорө да вывлань качөдім. Лэбач здук кежлө быттө өшйыліс сынөдас, а сэсся паськөдіс бордъяссө и юръяс весьтті вөчис кытш. Көк лэбис мөдлапөвлань и регыд воши синъяс улысь. Мөд онас, тулыснас, шор бокин эзысь гөлөснас көкис көк:

— Ку-ку, ку-ку!

Видзөдлім бинокль пыр и төдім кольөм вося быдтаснымөс, кокас тыдаліс пасным.



ЛЭБАЧЬЯСЛӨН ВАННА



Гожом. Ми Иван дядькод восьлалам векныдик ордымод еджид нитшка яглань. Ягыс лышкыда козьнавлывлө дона гобъяс. Воим раса ёль бокө. Шуим шойччыштны да горшъяснымос веськөдыштны чөскыд ванас. Пуксим ыджид коз пу улө. Неылын, пожом пу бокын, тыдаліс кодзувкоткар. Уджач кодзувкотъяс жөдзисны чом дорас. Друг кодзувкоткар вылө пуксис сырчик да паськөдіс бордъяссө. Лэбач эз вөрзюд уджач да пельк гагъясөс.

— Миша, видзод, кыдзи сырчыкыс пывсьө да мынтөдчө сійөс йирысь той-гагйысь, — вашнитіс мем Иван дядь.

— Кодзувкотъяс сёйоны-сыналөны лэбачлысь лёк гагсө, кодыяс пырджык олоны бордъяс улас, — водзө сёрнисө нуөдіс вөр-ва радейтысь морт.

Тайө лоөмтор бөрас ме унаысь на аддзывлі кодзувкоткар вылысь мукөд лэбачөс. Сідзкө, унджык войыввса лэбачыс бурдөдчө кодзувкот ваннаясын, кодзувкотъяс лэбачьяслысь дойяссө киськалоны кислотанас.



КӨЧПИ



Кырув грезд нюжөдөма сывсө Эжва веськыд берег пөлөн. Миянлы, зонпоснилы, ю дорас гажа овны-вывны: гожъявны-купайтчыны, вуграсьны. Эжва мөдар берегас, дзик грезд весьтын, воссөб Выль ділөн мича серпас. Ді вылас эмөсь паськыд туруна эрдъяс, дзик ді шөрас кузькодь чериа ты. Ты өтар-мөдар берегас быдмөны вөсни кока пельсыяс, льөм пуяс, сэтөр кустъяс. Ді асыввылас, көні часөвөйяс моз сулалөны сись кодь пожөмъяс, ма көра уна оз.

Пажын бөрын ёртъяскөд шуим вуджавны ді вылө оз да гөрд сэтөр өктыштны. Пуксим вит мегыра пыжө и вуджим мөдлапөлө. Озйыс вөлі ёна артмөма. Ок, и гырысь да мича. Öдйө и тыртім туйсыяснымос да мөдөдчим тылань. Виччысьтөг миян водзвы-

лын вөрзис руд ёкмыль, турун пөвстас муртса-муртса и тыдалё.

— Да тайё жё кочпи, — радпырысь висьталіс Вася. — Котөрт-нысё со оз вермы. Гашкё, кокыс доймёма.

Тіраліс миян водзын кузь пельён пиыс. Воддза веськыд кокыс вёлі доймёма вирөдз. Тыдалё, кутшөмкё зверь кёсйёма чөсмасьны ичөтик табъя кокаён, но миянөс казялём бөрын энөвтис гректём лолөс.

Босьтім кочписё гортё. Дойсё йодалім да көрталім бинтөн. Овмөдім висьысь зверсё кролик позйё. Вердім мөс йөлөн, морковён, капуста корйён. Арнас, кор бурдіс кокыс, нуим бөр ді вылө да лэдзим.

— Котөрт-нысё со оз вермы. Гашкё, кокыс доймёма.

Тіраліс миян водзын кузь пельён пиыс.

ФРОНТ ВЫВСЯНЬ ПИСЬМӨ

«Выль Кырув» колхоз правлениеын пукалісны да сёрнитісны.

Степан Иванович Кузьпелев, колхозён юралысь, бура дыр нин варгис-сёрнитіс. Сійё пыркнитіс каллянсыс пөймсё да матшкөдіс сэтчө выль самосад, нюжөдіс пу коксё да медбөрын чөвтис:

— Öні медым юксыыштас бригадаён веськөдлысь Павла Ивановна.

Бригадир ясыда висьталіс, кызди кутасны гожөмнас заптыны турун.

— Видз вылө петам Петыр лунөдз. Медводз кутам ытшкыны, куртны-чөвтни турунсё Котшмөс ю бокысь. Кызди и кольём гожөм, ытшкыны сэтчө каясны нывбабаяс. Накөд тшөттш мөдас уджавны Иван дядь. Сійё косаяссө төчитас, сабри местаяссө лөсьодас, рытасывводзнас чери кыйыштас да уджач йөзөс чөскыд юкваён номсөдлас. А лун-мөд-коймөд мысти куртны-чөвтни турунсё сэтчө жө каясны челядь, — сяргис-лыддьөдліс Павла Ивановна.

— Шильников Саша, Отев Миша, Полев Вася, Сухарева Таня, Исаков Сергей, Киросова Маша... — вайөдіс бур сьөлөма ань дас куим-дас нель арөса ныв-зонлысь ним-овсө.

— Ме, дерт, бригадиркөд сөглас, но мукөд зонъясыс зэв на нэ-

риникось. Сідз, Шильников Сашаос, ме ног, оз на ков ыстыны сэтчө,
— шыасис Степан Иванович.

— Сыкод кольём во нин уна сабри чөвтім. Сійө бура кужö
зорөдтö таявны, — дорыштіс Сашаос Иван дядь.

Собрание муніс сёр рытөдз. Сэн жö лыддисны колхозникъяслы
да челядьлы Василий Ильич Кузнецовлысь письмө. Василий Иль-
ич, колхозса вöвлөм юралысь, гижис фронт вывсянь:

«Видза оланнөд, менам дона землякъяс, колхозникъяс да кол-
хозницаяс, став сиктса йөз. Ме тиян письмөысь лыдди, мый бура
гөрөмнөд-көдзөмнөд. Сідзкө, позьö виччысьны озыр урожай, он
кольö уджйөзаөн государствовлы. Дерт, госпоставкатö, Степан Ива-
нович, колö тыртны, но кызкө-мыйкө нянтö колхозникъясыдлы
трудодень вылас юкны вичмөдышт жö. Медым йөзыс эз ёна тшыгъ-
явны.

Ми ёртъяскөд талун бергөдчим разведкаысь — боевöй задание
вылысь. Босьтім пленö немецкөй офицерөс. Офицерыс вөлөма
штабнөй «крысаөн» да командованиелы унатор висьталіс. Боевöй
заданиесö олөмө пöртөмысь полкса командир ставнымлы сетіс «За
боевые заслуги» медаль», — гижис вöвлөм председатель.

Аслас письмөын Василий Ильич ёна ошкис нывбаба-трактори-
сткаясөс — Анна Кузпелеваос да Августа Сухареваос, кодъяс ту-
лыснас планысь вывті гөрөмаось 25 гектар му.

Письмө помас фронтөвик гижис: «Ті, донаяс, тылын, а ми война
вылын өтув дорам Победа. Врагөс пасьвартам, матыстам Победа».



КОТШМӨС ЮДОРСА КЕРКА



Котшмөс ю дорын, джуджыд керөсын, пожөма яг бокрын зым-
видзö вөр керка. Сэні шонтысьлісны да шойччылісны вöралысь-
яс, чери кыйысьяс, турун пуктысьяс. Марья тьöt, Иван дядь да че-
лядь воисны вөр керка дорö рытланьыс нин. Пусисны, нурьясь-
ыштісны да шуисны шойччыштны, медым аски заводитны курт-
ны-чөвтны. Но челядьыд челядь и эм. Налөн эз узьсы, пыр на
дзолгöны-больгöны визув шор моз. Окоитісны зонкаяс да ныв-

каяс Вань дядьлөн вөр керкаын узьлём-олём йылысь висьт кывзыны.

— Тайо вөлі турун пуктыгөдз на. Өти рытө менам муса Людмила лөгасис ме вылө да дузмунөмөн котөртис гортас. Мөд лунас ме татчө кайи чери кыйны. Юыс озыр чериөн, пыр шедлісны эзысь комьяс, сирьяс, налимьяс. Вөйтәлі кулөм, песті бипур, пуси да нурьясьышти. Керка пытшкас вөчи тшынас, медым вөтлыны-бырөдны лөдз-ном. Чегъялі ныв лап, көсья лөсьөдны небыдик вольпась. А юр вежөрысь оз вун Людмила. Гөгөр чөв. Тельгө-визувтө Котшмөс ю. Друг чөвлунсө торкис мөдар берегсяньыс нывбабалөн горөдөм шы:

— Иванушко, сө зөлөтәй, вуджөд менө ас дорад, тайо ме, тәнад сьөлөм косьтысьыд.

Ме шөйөвоши. Кыдзи-мый вермис Людмила локны татчө? Ю мөдарас некутшөм ордым ни туй абу.

Но мөдар берегас сулаліс лөзь юрсиа нывбаба. Юрсиыс чужөмсө вевттьө, и ме бура эг төд мортсө.

Эз, эз вермы Людмила аддзыны татчө туйсө. Тайо, гашкө, вөрсаыс, ёмаыс каститчө, мөвпышти ме. Быттьө йиа ва койыштісны мыш вылө, повзышти. Сө бласлө Крестос, шуи да пернапас чөвті, молитва гораа куті лыддыны, а сы бөрын гораа крапки: «Весась тась, нечистөй дук: абу тә Людмила».

— Кужин, бур мортөй, вочавидзны, — равөстіс нывбабаыд и воши син водзысь. Мөдлапөвса бадь кустьясыс муөдз нюкыльтчылісны.

— Узьөй, зарнияс, вөр керкаыд вежа, некод сәтчө оз сибав, — шуис Вань дядь да сиис челядьлы мича вөт вөтавны.



ВӨРСА ГУСЯСЬЫСЬ



Нель лун челядькөд Иван дядь да Марья тьөт куртісны-чөвтісны вож шөвк кодь турун. Но төлыс вежсис, рытивывьсянь кутіс кыпөдчыны сьөд кымөр. Войнас зэрмис.



«Кык вок» висът дорö



«Турияс лэбёны» да «Тулыс козьналіс» висьтъяс дорё

— Тöрыт лягуша вöлі паськөмсö вежöма, сьöд платтьöасьöма, — висьталіс асывводзнас челядьлы олöма морт. — Зэрмис асыввыв тölөн. Ме ног, вежон кымын сулалас мисьтöм поводдяыс.

Шуисны бөр лэччыны сиктö. Кос яй, кос нянь, ид пызь колисны ларö, кодöс вöчлöмаөсь вөралысьяс кузь пожöм пу вылö...

Мичаммис. Бөр пуксисны турун пуктан лунъяс. Удал зонъяс да нывъяс бара нин Котшмöсынöсь.

Марья тьöt куим зонкаöс ыстіс ларысь вайны сөянсö. Тöдса ордымöд сералігтыр восьлалісны челядь. На водзті котöртіс визяорда да чепöсйис-кайис кыз пу вылö, көні китшкис катша.

— Ме ног, катшаыс оз рöста китшкы. Мыйкö аддзö да ас ногыс миянлы висьталö, — шуис öти зонка.

Кор челядь матыстчисны тöдса пожöм дорö, чуймисны: пу вылас, лар вевт вылын, пукаліс кутшöмкö зверь.

— Да тайö жö ошпи, — повзъыштöмпырысь шуис Миша Отев.

— Мый вöчам? Вöрса рöзбойникыд öд вермас разны лар вевтсö да сөяс миянлысь кос яйтö да сукартö. Гашкö, көнкö матын и варгыль коклөн мамыс, — гусьöник шöпнитіс мöд детинка.

Зонъяс котөрөн бөр бергöдчисны вөр керка дорö. Аддзылём йивсьыс висьталісны Вань дядьлы.

Зіль да быдтор кужысь морт босьтіс пищальсö да кык патрон. Öти патронас вöлі ур зарад, а мөдас суйöма пуля.

— Часлы ми, шöвктугъяс, повзьöдам вöрса рöзбойникöс, сэсся медым мөдысь оз нин во юрас гусясьöм йылысь мисьтöм мөвпыс, — ышöдіс сійö челядьöс.

Со и пожöм. Сэтчöдз колис воськов комын кымын. Сувтісны. Иван дядь суйис пищаль стволас ур зарада патронсö да шковгислийис ошпи юр весьті. Сійö повзис, чеччыштіс му вылö да котöртіс раслань. Сы бөрся и мамыс кыськö петіс да вöтчис пи бөрсяыс. Со öд кыз овлö, тökөтьö эз кольны турун пуктысьясыд сөянтөг.



КЫДЗИ БЫДМӨНЫ



РУЧПИЯН

Уна мойд да висът гижөма наян руч, сылөн олөм-вылөм йылысь. Гежөда аддзылан мудер зверыдлысь позсө, көні сійө лелькуйтө-быдтө пьянсө.

— Ме томдырйи уджалі лесничөйөн и унатор сэки төдмалі зверь-пөтка йылысь, — тадзи паніс ассыс висьтсө Ёгор пөль.

— Өтчид виччысьтөг веськалі ручлөн оланінө, — водзө сёрнитіс вөр-ва радейтысь морт, — и куті лунысь-лун гусьөник туявны руч-мамлысь быдтысьөмсө.

Пияныс ручлөн чужөны синтөмөсь да пиньтөмөсь. Сійө дзюлюкьяссө вердө-нёнөдө йөлөн и зэв гежөда кольлө ас кежысь. Петалас, сёян корсьыштас — и котөрөн позьяс. Кык вежон мысти ручпиянлөн вощьөны синъясыс и заводитөны мыччысьны пиньяс. Кольө кад, и руч петкөдө пьянсө ывла вылө. Ачыс пукалө да видзөдө на вылө, а быдтасьясыс быглясьөны турун пытшкын, дурөны ёрта-ёртыскөд, котралөны. Мамыс котөртлас, ваяс быдтасьясыслы шырөс, лягөөс либө ичөтик лэбачөс. Тшыг пияныс өти здукөн бырөдөны вайөм-торсө. Мукөддырйи кутас шырпи и ловъянас налы шыбитас, велөдө кутасыны. Озджык кө кодкө на пиысь вевъяв кутны шырсө, курч-чыштлө мышкуөдыс. Кылас кө кутшөмкө төдтөм шыяс, пырысь-пыр пьянсө вөтлас позьяс. Өдйө быдмисны мудерпозлөн пияныс, и мамыс кутіс велөдны найөс корсьны кынөмпөт. Вильыш котыр збоа куталісны бобувьясөс да гагьясөс. Арланыс ручпиян быдмисны и кутісны котравны өтнаныс, мамтөгыс.



СЮЗЬ ДА ШЫР



Мойд

Вөвлі кад, кор сюзь луннас эз узь, эз дзесбсьыв пемыдінө. Сійө кый-сис. Синъясыс кыйсьысь лэбачлөн вөліны ёсьөсь, ставсө аддзис ылысь.

Өтчүд сюзьыд кутіс шыр-ичөт нырөс. Но шырыд вөлі вывті нин косіник. Сюзь крепыда кутіс сійөс гыжъяснас да мөвпаліс: гашкө, ньылыштны ставнас?

Шырыд сюсь вөлөма да шыасис: эн пө сөй менө, ме пө тэныд талун чукөрта уна шырөс, талун пө найө локтасны гөститны татчө, менсьым нимлун пасйыны. Сэки тэ пөттөдзыд чөсмасян да запас-тор на вөчыштан.

— Со кыз, — серөктіс сюзь.

— Тэ сөмын дзедьсы кытчөкө матөджык и пыр шонді вылас видзөд. Кор шондіыс узыны мунас вөр сайө, тэ сэки и лок бөр татчө. Менам ёртъяс сэки сывны-йөктыны кутасны, тэ найөс и кутавны кутан, — велөдіс шыр сюзьөс.

— Бур! Бур! — шуис сюзь. — Но төд: пөръялан кө, кутө куля. Дзедьсис сюзь ыджыд мыр сайө да видзөдө: шонді дыша кайө вывлань. Коркө-некоркө и увлань мөдіс.

Дөзмытөдзыс видзөдіс чөскыд ужынтө виччысьысыд. Көсйыліс нин лэбзыны сійө, но горшлуныс эз сет вөрзыны места вывсьыс.

Кор шонді пөдлаліс өдзөссө, сюзь немтор эз кут аддзыны, дзыкөдз синтөммис. Сөмын пемыднас нин сюзь кызкө-мыйкө корсис позсө.

Сійө кадсяныс сюзьяс ёна дөзмөмаөсь шыръяс вылө. Ёні сөмын войын кыйсьөны. А луннас, кор шонді лышкыда койө югөрсө, сюзьяс пукалөны позьясас.



ЕМ ДА ПЕРНА



Варыш Ёгор, Чөдлач грездса зіль да уджач морт, төвся туй сувтөм бөрын бара дасьтысис ветлыны Яренскө, базар вылө. Вөв додь тыр сөвтис пуысь вөчөм көлуй: пестерьяс, кузовьяс, падъянъяс, ушатъяс да мукөд пөлөс пу дозмук. Гөтырыслы висьталіс, мый от-сасьны аскөдыс босьтлас Миша писө. Мишалы лоис зэв нимкодь, өд некор на сійө эз ветлы уездной карө.

Батя-пия петісны туйө водз и дас час гөгөр нин вөліны Яренскын. Час-мөдөн Ёгор и вузаліс төварсө. Неыджыд юкөн нажөвитөм


сьом вылас ньобисны козингъяс: кôлач-преник, чай-сакар. Пажын бôрын дасътысисны петны бôр гортлань.

— Миша, ми тай дзик вунôдîм ньобны ем да перна, — шыасис батыс пи дорас. — Вай, пиук, котôртлы медся матыс лавкаас да ньоб вит ур вылô ем да перна.


Детинка лавкаô пырôмôн тшôтш матыстчис вузасъысь — мичаник ань дорô да корис: «На пять копеек ем да перну». Роч нывбабайд эз гôгôрво да тшôктîс: «Мальчик, повтори, что тебе надо?».

— Ем да перну, — висъталîс мôдысь Миша.

Вузасъысь азыма нюммунис. Миша гôгôрвоис, мый аньыдлôн, гашкô, абу татшôм тôварыс. Либô рочнас мôд ног шусъôны ньобанторъясыс. Дас кык арôса Миш коймôдысь шуис: «Ем да перну». А сэсся перйис сьылîсысь перна и петкôдлîс вузасъысьлы, а ем пачкатô аддзис витрина вывсъыс да чуньнас индîс: «Тайôс тшôтш». Нюмъялигмоз вузасъысь сетîс детинкалы ем да перна.



ГОЖÔМ ЧÔЖÔ,



А ТÔВ НËНЯЛÔ

Мойд

Садъмис том ош водз тулысын да петîс гусыс. Медводдзайсы на сîйô тôвйис гуас да нËнялîс лапасô.

НËдзмасыштîс варгыль кок да тапикасигмоз кутîс мôвпавны, мый вôчны. Аддзô: лунвылысь лËбачьяс воôмаôсь, уджалôны-поздысьôны, парма гажôдôны. Ôтнас том ош шôйтô уджтôг, кынôмыс гурьялô. Чôсмасыштîс кодзувкотьясôн, номыръясôн да водзô муно, гôгôр видзôдô. Казялîс: кос пу вылын сизь дорччô.

— Мый вôчан, сизьôй? — юалîс ош.

— Лун-лун пучôйясôн чôсмаяс да пуяссô пасъяла тôв кежлô, — радпырысь вочавидзис лËбач.

— А мыйла тадзи вôчан? — буркнитîс варгыль кок.

— Вöрын олан-вылан, а он тöд. Гожöм чöжö, а тöv — нөнялö.
 — А тайöс кызз позьö гөгöрвоны? — бара юалис ош.
 — Некор, некор мен тэкöд больгыны, юась мöдлысь, — скöра шуис уджач сизь.
 Водзö ош мунö-довъялö. Виччысьтөг сийö паныдасис визяор-дакöд. Ичöтик зверь мыйкö кыскис.
 — Эй, тэ, визук, мый вöчан?
 — Мый сюрö, сийöс и чукöрта позйö, тöv кежлö лöсьöдча.
 — Ок тэ, ад горш!
 — Ме дзик абу горш, — дözмыштис визяорда. — Менам семь-йöй ыджыд, а тöлыд кузь. Гожöмыс — чöжö, а тöv — нөнялö.
 — Тэ сэтшöм жö сыланкыв сылан, кыззи и сизь.
 Водзö тапикасьö ош да мый сюрö, сийöс и аклялö. Паныдасис ур.
 — Мый вöчан, пашкыр бöж? — юалис.
 — Тшак чукöрта да косьта, тöv кежлö лöсьöдча, — тэрыба во-чавидзис ур.
 — А мыйла заптан?
 — Бытьöкö он тöд. Гожöм — чöжö, а тöv — нөнялö.
 — Тэ сиз жö сылан, кыззи сизь да визяорда. Висьтав, кызз тайöс позьö гөгöрвоны?
 — Эн йöй улö лэдзчысь, он бытьö тöд. Ачид кызöмыд, гөссия-лöмыд быдтор аклялöмсьыд. Тöвнас узьны водан да бөр тшöгыд сы-лас. Вот и артмö: гожöм — чöжö, а тöv — нөнялö.



КЫК ВОК



Мойд

Олисны-вылисны кык вок: öтиыс озыр, а мöдыс гöль. Озыр мортлөн вöли ставыс тырмымөн: ыджыд көрöмина — керка, карта тыр скöt, тырмымөн му-видз. А гöль воклөн важиник керка, вит челядь, лёкиник му-видз, аслас няньыс тырмылис Ыджыдвидздöдз.

Өд ыджыдджык вокыс ай-мамыслыс став озырлунсө босьтис аслыс.

Ичөтджыкыс вердс семьясө бокын уджалөмөн: төвнас сортовка лэдзис, а тулыс-гожөмнас вөрсө кылөдс да шпал лөсалс.

Жар гожа лун. Эжава дорын гөль мортыд шпал лөсалө. Пөсьыс лэччө шорөн. Но виччысьтөг лоис неминуча. Уджач мортыдлөн кисьыс мынс черыс и вөйи йирө. Шогө воис, пуксис берекас да бөрддзис. Дыркодь крестьяниныд шогалс. И друг виччысьтөг сы дорө локтс ичөтик тушаа, дзор тошка пөль.

— Мыйла нө бөрдан, бур мортөй? Кутшөм шог суис тэнө? Гашкө, верма отсөг сетны, — шуис пөльыд.

Мужик веськыда висьталс аслас шог йылыс, өна жалитс вошөм черсө.

Пөль ышөдс сійөс:

— Ме здукөн вешта тәнсьыд шогтө.

Сунлс пөрыс морт ваас да мыччис мужиклы эзыс чер.

— Тайө тэнад черыд?

— Абу, абу, — вочавидзис крестьянин.

Мөдыс пөльыд сунлс да мыччис зарни чер.

— Гашкө, тайө?

— Абу, абу, — шогашуис гөль морт.

Көймөдыс ваө пыралс да мыччис көрт чер.

— Со тайө менам черөй, поконики батылөн на, — радлігтырйи шыасис мужичөй.

Аттьөалс гөль вокыд пөльөс да бара заводитс лөсавны шпал.

— Босьт, уджач да бур мортөй, и зарни да эзыс черьяссө. Тэнад көртыд вермө вердны сөмын семьятө, но тайө кыкыс вермасны унджык вөчны, — варовитс тошсө малалігмоз пөль.

Сьөлөмсянныс мужичөй аттьөалс пөльөс бур вөчөмыс.

Сійө кадсянныс ичөтик вок кутс овны бурджыка. Өти воөн ыджыд вокыс кодь керка лэптс. Ыджыдджык наян вокыс жө дивуйтчө:

— Кыдз озырмис вокөй?

Коркө-некоркө сэсса и юалс:

— Кыс тэныд озырлуныд?

Ставсө веськыда ичөтджык вокыд висьталс. Горш мортлөн синмыс көинлөн моз өзйис. Кватитс чер и Эжава дорө. Гоз-мөдыс лөсыштс пожом кер да брунгис черсө Эжава. И дзоля кага моз кутс бөрдны.

Регыд бёрдём шы вылө локтіс дзор тошка пөль да юалө:

— Мыйла бёрдан?

Висьталіс наян мортыд ассыс шогсө.

Пөль суніс да мыччис эзысь чер:

— Тэнад?

— Менам, менам, вай татчө өдйөджык.


Сы бёрын зарни и көрт черьяс пёрысь мортыд перйис ваысь. Босьтіс куимнансө ыджыд вок, весиг атгьө эз шу. Гортланьыс веськөдчис. Но воштис туйсө да ылаліс сьод вөр шөрө. Сэтчө и узымөдчис. Войнас локтіс сы дорө пёрысь пөльыд да бөр босьтіс сылысь куимнан черсө.

— Уна тэ көсьян да этша босьтан, — кывкөрталіс пөль да вошис.

Уна лун горш морт шөйтис вөрөд, тшыгьяліс, кынмаліс, муртса и воис гортөдзис.



ТУРИЯС ЛЭБӨНЫ



Турияс, дзодзөгьяс лунвылө лэбөны,

Кольөны мөд воөдз чужанін, горт.

Сьөлөмтө вөрзёдысь сыланкыв сьылөны:

«Коми му, сьөлөмшөр, аддзысьтөдз, ерт...»

Медводдза лым чирьяс бордьяснас койөны

Лэбачьяс саридзлань йөткасигмоз,

Миянын регыд көть олісны-вылісны,

Жальпырысь кольөны мусаник поз.

Турилөн бёрдөмыс сьөлөмөс нормөдіс,

Казьтыліс ныв-пилысь бордьясян кад.

Лэбач моз найө тась лэбисны-мунісны.

Мөдлаын мичмөдны олөмлысь лад.

Тулыснас турияс бөр гортас локтасны

Пелькөдны-шонтыны поздысянін.

Мыйлакө ныв-пилы олөмыс-вылөмыс
Оз козьнав ас мулань лэбзыны вын.

Ме петі нюрысь да мөдөдчи пожөма яглань. Недыр мысти бөрвы-
лын кыпөдчисны турияс да гораа кутісны горзыны:

— Курлы! Курлы!

Лэбачьяс вөчисны нейджыд кытш, прөщайтчисны чужані-
ныскөд, аттьөалисны сійөс став буресьыс. Сэсся кыпөдчис турияслөн
мөд котыр. Найө быттьө шыасисны воддза ьртьясыслы:

— Виччысьлөй, виччысьлөй миянөс! Ми көсьям тіянкөд өтла-
ын лэбны.

Турияслөн воддза котырысь вожакыс кыліс корөмсө, и лэбачь-
яс чинтісны өдсө да здук жежлө быттьө өшйисны сынөдас. А ту-
рияслөн мөд котырыс выныштчис да өтлаасис воддзаыскөд. Өні энэ-
жын вөлі өти котыр. Ме дыр видзөді, кытчөдз найө эз вошны син
улысь. Тадзи турияс нуисны аскөдныс Комиысь гөжөмсө. Кузь да
сьөкыд туй ковмас венны налы шоньд саридзлань лэбигас. Кор өна
зөрмө, лэбачьяслөн көтасьө гөныс да бордьясыс сьөктаммөны.
Пуксьөны му вылө шойччыны и тшөкыда налысь ловсө босьтлив-
лөны зверьяс. Ме сии турияслы дзоньвидзалун да бур туй, медым
оз су найөс некутшөм неминуча.

И ВЕК ЖӨ ВӨРЫД КЫСКИС

Өтчид оз вотігөн аддза: кутшөмкө ёкмыль вөрөдчө турун пиын.
Матыстчи — понпи куйлө. Коньөр зэв өна тіралө повзьөмысла, ляс-
кысьөма му бердас.

— Вот йөйыд, пышйөма гортсьыс да воштөма туйсө, —
мөвпышти ме.

Көсйи киө босьтны, а понпиыд кутіс курччасьны. Кыдзкө-мыйкө
сэсся лэпти жө да суйи питшөгө. Сюрөмторсө вайи гортө.

— Папө, папө, ичөт вөр дорысь понпи скорис, сійө ылалөма вөлі,
— радпырысь висьталі батьлы.

— Эк тэ! Да тайö жö ручпи. Он али мый аддзы, кутшöм сылөн нырыс есь, — шуис бать.

— Оз вермы лоны, кызди сэтчö ручпыс локтис, — вочавидзи ме.

Видзöдлi бурджыка и збыль: бöжыс кузьджык дай небыдджык...

— Вот тайö дивö, — нимкодяся ме.

— Чöвлы! Чöвлы! Колö вердыштны сийöс, — тшöктис бать.

Сетим йöв. Тшыгъялөм зверь азыма сёйис. Нимтим сийöс Сироткаөн. Колис кад, ручпи ёнмыштис, котралис джоджод да ворсис мачөн. Увтыштлывлис пон моз. Тшöкыда видзöдчис рөмпöштанö. Ёна вöли дöзмö домалöмысь.


Радейтис Сиротка телевизор видзöдны да музыка кывзыны. А мыйөн кусöдлим телевизорсö, заводитлис никсыны да курччасыны.

Колис гожөм. Öти арся лунö ручпи ордчис да котöртис вөрö. Ме шогö уси. Узи лёка да мисьтöм вöt вötали. Асывводзнас кыла, кодкö гыжъясьö öдзöсö. Восьтi — Сиротка сулалö. А вомас сьöла. Сы бöрын ручпи унаысь на пышйивлис и пыр бөр гортö волис.


Öтчид мудерпозыйд Марья пöчлысь курöгсö джагөдöма да гортö вайöма. Тайö лөөмтор бөрас Сироткаөс йöртим гидö да дыр эг лэдзлöй ывлаö. Гашкö, скөрмöма ручид, кодйöма кер увтыс розь да пышйöма. Сэссия сы бöрын эз нин воы.

Бать нюммунис да шуис:

— Тöдöмысь, бать-мамсö либö чой-воксö аддзис.



БОБУВЪЯС



Гожся шондi лышкыда койö зарни югöрсö кымöртöм енежсянь. Гөгөр шы ни төв. Би гөрд бордъяса бобув виччысьтөг пырис кильчö öдзöсöд посводзö да лэбзис йиркланыс. Недыр мысти ляскысис сэтчö. Сэни пукалисны нин кымынкö бобув. Бордъяссö топöдöмөн. Мыйла найö татшöм мича луннас дзэбсисны?

Колис час-мөд, и шондыс саймовтчис кымөр сайö. Лоис ыркыджык. Мөдлапөвсянь сиктö вуззысис төвныр да пальöдис öшинь улын вугралысь пуос. Муркөдчыны кутис гым. Илля пророк пондис

луйсыны биа ньовъясон. Зэрмис. Сой кызта войтва тюргис вевтъяс вылысь.

Вильыш лун төв регыд чирсис зэра кымөръяссө. Ыргон чужомбансө бөр мыччис шонди. Пуяслон котасьом коръясыс югьялисны эзысьон. Но бобувъяс пыр на ошалисны потолөкын. Недыр мысти вортас сайысь бара мыччисны съод юръяснысө кымөръяс. Мөдысь зэрмис. Вевтъяс вылын быттьо барабанон ворсис гожея гөсть — зэр. Пажын бөрын мичаммис. Бобувъяс өти бөрся мод лэбзисны ывлао. — Мичаммис. Вежон-мод мича лоас поводдяйс. Позяс сэсся Лөз вад дорө чери кыйны ветлыны. Бобувъяс төдоны поводятято, — радпырысь висьталіс керкаын олысь пөль внукуысы.



ТУЛЫС КОЗЬНАЛІС



Лун төв кор матыстис

Чардби да гым,

Пышйис пыр кытчөкө

Вой төв да лым.

Локтісны дзодзөгъяс

Войвылө бөр,

Сьөлөмас радлуныс

Налон оз төр.

Кызд пулөн мыччысис

Вежөдөм кор.

Дыр нин пө виччыси,

Шондодас кор.

Тулысыс козыналіс

Пармалы нюм,

Збыльмөдіс быдөнлысь

Корөм да дум.

Воис тулыс. Дзодзөгъяс да турияс радлігтыр бөр локтісны Коми муо, аскөдныс лунвылысь вайисны шоныдсө. Лунысь-лун ловзьо

да мичаммө вөр. Мича тувсовъя лун. Ёгор Микол внукускөд мөдөдчис Пакуь кыр йылө, кыддза раскө. Олөма морт көсийс сизим арөса Коляөс төдмөдны, кызди да мый вөчны кыз пукөд, медым козыналыштас сийө зарава.

— Ок, ёна жө лөсьыд тулыснас кыддза раскын. Сынөдыс чөскыд. Кыдзлөн гарыйс пөльтчө. Гарнас и коръяснас важысянн коми войтыр бурдөдчылісны, — висьталө пөль внукуылы.

Рас дорө воигөн друг кодкө торкис чөвлунсө: кыліс керасьөм шы.

— Аттө дивө, өд тан оз позь вөрсө керавны, — шуис Микол.

Пөля-внука тэрмасигтыр мөдөдчисны керасьөм шыланьыс. Кор петісны рас бокас, сәні некод нин эз вөв. Гөгөр видзөдлісны да неылысь аддзисны ичмонь кодь мича кыз пу. Черөн боксө сөтөмайсь. А вожъясас сярвидзисны гырысь гаръяс.

— Наысь тулыснас уна рос оз нин коръяссы, пуыс регыд косьмас. А сылы колө быдмыны 40-50 во, — висьталіс Колялы пөльыс.


Сәсся Ёгор Микол висьталіс да петкөдліс, кызди перйыны чөскыд заравасө.

Та могысь өти кыз пуө вөчис неыджыд розь, и мөдіс сәтысь визувтны-петны юмов ваыс.

— Кымын вылөджык вөчан розьсө, сымын чөскыдджык зараваыс. Гөститөдыштас миянөс шань да мича пуыс юмов ванас и бөр сиптам розьсө пу тувйөн, медым кыдзыс оз кув да косьмы, — тадзи велөдіс пөль быдмысь мортөс.



ЛӨЗ ВАДЙЫН



Март — медводдза тувсовъя төлысь. Көть му вылын пыр на куйлө лым, пөлөзнича рөма енэж лоис нин сөстөмджыкөн и джуджыдджыкөн. Шонді зіля койө югөрсө. Луннас кыпыда тельгөсьалькөдчө войтва. Войнас көдзыд пөль тшөкыда ышмывлө — кынтө туйяс, ва гөпъяс, чорзьөдө луннас небзьөм лым. Но тайө оз мешайт радлыны локтысь тулысыслы вөр-валы, зверь-пөткалы, йөзлы.

Март помын велөдчысьяслөн заводитчоны каникулъяс. Школаын биология велөдысь Мария Ивановна сизимөд класса велөдчысьяслы сетис каникул кежлө удж — видзөдны вөр-ва вежсьом бөрся.

Витя Кушманов, Коля Лодыгин да Саша Исаков шуисны ветлыны Лөз вадйө, видзөдлыны — оз-ө пөд сэни чери.

Челядь рытсаяныс пондисны лөсьөдчыны: дасьтисны чер, пыридз, зыр, сёян-юан. И со нин куим ёрт вад дорынось. Кутчысисны уджө. Коля зырийөн весалис пызан пасьта места вылысь лымсө йи вылысь. Витя босьтчис керавны черөн йи. Таво төлыс көть и вөлі шонид, тулысланьыс бөр көдздөдліс, кынтис йи вылө кайөм васө и йиыс ёна кызис. Сы вöсна уна пось ковмис кисьтны зонъяслы, медым восьтыны йөрдан.

Медводз ва веркөсас мыччысис ва төрөкан. Сидзкө, ваын кислотыс оз тырмы. И со, некымын минут мысти тыдовтчисны посныдик кельчияс, ёкышъяс, сынъяс. Черияс паськөдлісны вомъяснысө, азыма нылалісны сөстөм сынөдсө.


Зонъяс мыйтакө куталисны юква вылө черисө, сёйыштисны и бара босьтчисны уджө. Восьтисны ещө некымын йөрдан, вевттялісны найос лыскөн, мед оз кынмыны войнас.

Сөмын рытланьыс нин вөр-ва дөзьөритысьяс воисны гортаныс, висьталісны мам-батыслы: «Таво Лөз вад сиктса йөзөс бара на гөститөдас чөскыд чериён».

Сьөлөм век радлө, кор аддзан челядьлысь вөр-ва дор сулалөмсө. Кор быдмөны татшөм посни войтыр, век позьө кутны надея сы вылө, мый коми йөз оз сетны дзикөдз бырөдны ассыныс вөр-васө.



АРСЯ ВӨРЫН



Арся кышөднас вөччөма парма. Кызьяс вылысь бергалігтыр киссьоны зарни коръясыс. Пуысь пуө чераньяс нюжөдөмаось эзысь везьяс. А сынөдыс сөстөм, вина-суртөг кольмө юрид. Ёльясын да шоръясын ваыс сөдз.

Сентябрь пом. Ми Лыско понкөд кайим Ертым ю сайö көчасьны. И со сійö заводитис увтны, садьмөдөма кузь пельöс шойччанінсьыс. Недыр мысти увтөм шыыс эз кут кывны. Менам вөлі надея да заводиті петны паськыд прөсеклань. Вои еджыд нитшка яг бокö. И колö жö: виччысьтөг тшуки дона гоб чукөр вылö. Вуні көчасьöмыд да зіля куті öктыны арся вöрыслысь козинсö. Друг воськов кызь сайын мыйкö визнитіс. Лэпти юрöс да аддзи көчöс. Сійö пукаліс паськыд мыр сайын да вөрөдіс кузь пельяссö. Табья кокыд дзоргис ме вылö, а ме сы вылö. Кор нюжөді киöс пищальлань, көчыд лыйыштіс раслань да воши. Некымын здук мысти мыччысис Лыско. Секунд-мөд кежлö сувтліс ме дорö да скöра увтыштіс: мый нö пö тэ тшакасян, ныр увсьыд лэдзин кузь пельсö. И бара понйыд увтігтыр кутіс вöтчыны көч бөрсяыд.

Ме босьті мышку сайö тшак тыра пестерöс да петі паськыд прөсек вылö, чукөсті Лыскоöс да меліа шыөдчи сы дорö: эн, мися, скöрав, зарнийö, меным арся вöрыс козьналіс тшак пестер, а көчыд мед на олö.



УР КУЯС



Михаил Григорьевич Пипуныров Погост грездын нимавліс уджач, сюсь да визув мортөн. Кузиник тушаа, сьод синъяса, косіник чужöма шөр арлыда мужичöйлөн семьяыс вөлі ыджыд — нель пи да куим ныв. Эз вöv кокни вердны-юктавны, көмөдны-пасьтөдны быдмысь дзолукъясöс. Гриш Миш, тадз шульвлісны сійöс грездса войтыр, тöлын сортовка лэдзис, тулысын пурьясис-кылөдчис, а сөсса му-видз дорын уджаліс. Нимавліс сійö и бур кыйсьысьөн. Тшöкыда тулан, руч, көч, ур куяс нульвліс вузавны Яренскö. Вузасьны-артасьнытö вөлі кужö бура, көть сöмын церковно-приходскöй школа помавлöма.

Төвся лун. Гриш Миш Яренкса базарын сулалö да ур куяс вузалö, небыд зарныыс дзонь мешöк. Матыстчис сы дорö карса купеч и юалö: донөн-ö пö ур куястö вузалан?

— Ме ог радейт ёна донъясьны, — шмонитігмоз шуис вузась-
ись. — Босьтан өти ку — өти көпейка, мөд куыс — кык көпейка,
коймодысь — нель, нельодысь — көкъямыс и сідз водзö.

Зэв нимкодъ лои купечыдлы, донтöма пö и вузалö коми мужи-
кыд.

Но кор кутіс артасьны, купечыдлы ковмис юрсö гыжйыштны
да эновтчыны ньобасьöмысь. Деньгаыс эз тырмы. А коми вöралысь
вöлі вузалö дас вит ур ку. Гашкö ті, дона челядь, артыштанныд,
уна-ö сьöм колö вöлі мынтыны купечлы 15 ур куысь?



ДОЗМÖР-МАМ



Чödъясигтырйи ми восьлалам тшöкыд козъя вөрöд. Тані пон-
діа гожся луно сайкыд. Вöрса чöскыд сынöдсьыс кольмö юрид.
Гөгөр чöv. Ми ог нуөдöй сёрни-басни, абу окота торкны вöрыслысь
чöвлунсö. Но тöдам, мый тайö чöвлуныс оз на висътав сы йылысь,
мый немöймöмаöсь вöрса олысьяс. Сöмын колö бурджыка гөгөр
видзöдлыны. Со кодкö пузувтöма кодзувкот поз. Код нö тайöс вер-
мис вöчны? Гашкö, ош чöсмасис али кутшöмкö мөд зверь либö лэ-
бач. Некымын воськов сайысь аддзим дозмөрлысь гөнъяссö.
Гөгөрвоим: дозмөр-мам гудйöма кодзувкоткар да гөститöдöма ич-
өтик пиянсö кодзувкот колькъяснас.

Виччысьтөг чöd росъяс пövстысь аддзим дозмөрпиянös. Вит
ичөтик ёкмыль топöдчöмаöсь му бердас. Дзик пиян дорсьыс качö-
дчис дозмөр-мам. Неуна лэбыштöм бöрын из моз уськөдчис понöль
дорö. Сэсся пötкаыд мөдысь кыпöдчыліс вывлань, водзлань лэ-
быштіс и бара усис, ылөджык нин. Асьсö жалиттөг миянös нуөдіс
пиян дорсьыс. Миянös чуймөдіс вöрса пötкалөн сюсьлуныс да пов-
тöмлуныс. Дзик жö тадз вöчöны ныв-писö дözьоритігөн тар, сьöла,
утка.



Тарас Опонь да Ёгор Педь — кык ёрт. Чужисны, быдмисны да уджалисны өти грездын, нималисны төлка да зіль войтырөн. Опонь — кузь тушаа, лөз синъяса, дзормөм юрси-тошкыс ид идзас рөма. Тошкыс абу паськыд, а кузь да ёсь. Гашкө, сы вөсна и шуоны син саяс көза тошкөн. Велькыд кокнас чотө, ранитчылөма гражданскөй война вылын, капитан Орловлөн еджыд бандакөд косьын. Та вөсна Опоньөс эз нулыны Великөй Отечественнөй война вылө. Сийө ёна радейтис вөвъясөс да индिसны колхозын конюкавны.

Ёгор Педь — ичөтик тушаа, паськыд пельпомъяса, збодер старик. Сийө дас куим арөссянь петавлис батыскөд корсьны кынөмпөт: вөравны да сортовка лэдзны. Маті вөръясысь олөма морт төдіс быд ёль, быд шор да ордым. Дас нель арөсөн морттө суис неминуча: шуйга сойыс сюрис ош капканө да нэм кежлас колис ки пөлөн. Но Педөр вөралөмысь эз энотчы. Өні на пөрысь морт кыйсьө, көть и сизимдас арөс нин сылы тыри. Вөралысь тшөкыда на сизьдыштлө урлы синмас, медым кусө не тшыкөдны. Уна ур, тулан, сьөдбөж, руч, көч да мукөд пөлөс зверь кыйлис нэм чөжнас вөралысь. Велсиг чергөдлөма сизим ошкөс.

Опонь да Педөр чужлөмаөсь өти воын, өти купельын пө и пыртлөмаөсь Гам сиктса вичкоын. Арлыд вылө видзөдтөг кык ёрт уджалөны-мырсьоны.

Война кусан во. Ноябрь пом. Педөр озыр прөмысөн воис пармаысь, сдайтис «небыд зарнисө» сельпоө. Ньөбис пуля-порок, сөян-юан, көм-паськөм и, дерт, эз вунөд коми йөзлысь важся обычайсө — водка сулея босьтис. Гортас локтігмоз вөралысь кежалис ёртыс ордө и горөдіс:

— Волы, Опонь, миянө номсасьыштны свежөй яйөн да вина румкаөн.

Кор годокыс пырис ёрт ордас, пызан вылын дзоргис парма ёль кодь югыд водка сулея, а сөй гырничсянь өвтіс чөскыд яй дукөн.

— Лок, лок, сө муса друг, прөйдит пызан дорас, — корис Педөр.

Кисьталисны стөканъясө водкасө, чокнитчисны да азыма юисны, чөсмасисны чөскыд яйөн.

— Но и бур жө сөян, татшөм закусканад позяс и мөд доз на

ректыны, — кӱза тошсӱ мольӱдӱгмоз казътӱс колхознӱй конюк.

— А ме пыр тадзи: мый эм лов вылын, сӱйс и вая меддона ӱртлы.

— Кӱсъя тӱдны, кутшӱм зверь-пӱтка яйӱн тӱ менӱ гӱститӱдан?
— нуӱдӱс водзӱ сӱрнисӱ старик.

— Ур яйӱн талун чӱсмасям, — тӱдчӱдӱс Ёгор Педь.

— Аттӱ винаস্যд да бур закускаস্যд, волы коркӱ и ме ордӱ,
уджӱйӱзӱн ог коль, — скӱрмис Опонь, чукуртлӱс нырбордьяссӱ,
кызӱктӱс да ӱдӱйӱ петӱс керкаысь.

Колис кӱдзыд тӱв. Март пом. Луннас ӱнакодь нин сылӱ, а вой-
яснас чорыда на кынмалӱ. Асывсыяныс туйяс лоисны зӱв вильдыдӱс.
И тайӱ кадас Опоньӱс суис ыджыд шог: мӱдлапӱлӱ мунигӱн ва дор
кырийӱ вильдӱс Рыжко вӱлыс да дойдӱс бӱръя коксӱ. Вӱв ӱз бурд, и
сӱйс ковмис начкыны. Колхозса председатель Батиев яйсӱ тшӱктӱс
юклыны колхозникъяслы. Мича яй тор вичмис и конюклы.

— Бур и лоӱ закуска Рыжко яйысь Педӱрлы, — ас кежас
мӱвпыштӱс гортас восьлалӱгтыр Опонь. Мунигмозыс годоксӱ горӱдӱс
гӱститны. Конюклӱн вӱлӱ запасын спирт, кодӱс важӱн нин видзис.
Спиртсӱ сетыштлӱс сплавучастокса начальник Петров вӱвьясӱс бура
дӱзӱбӱритӱмысь.

Сӱйсны-юисны кык ӱрт, варовитӱсны локтан гӱра-кӱдза йы-
лысь, Пакуыб кыр йылӱ виль муяс лӱсьӱдӱм йылысь. Пымалыштӱм
бӱрын вӱралысь куалӱс: кӱсъя пӱ и ме тӱдны, кутшӱм яйӱн тӱ
гӱститӱдӱн менӱ?..

— Рыжкоӱс, Рыжкоӱс талун мутшкам-сӱям, — нюмдӱмпырысь
вочавидзис ӱртыс.

— Тьпу, — сӱӱлыштӱс джоджас вӱралысь. — Грек, грек колӱ
тӱдны пӱрысь мортӱс Рыжко яйӱн сӱрпавлӱмысь.

Сӱсся тӱрыба пасьтасис да петӱс Педӱр ӱрт ордсьыс. Колис сӱк-
сянь мыйтакӱ кад. Но конюктӱгтыд он вермы овны сиктад: колӱ
пестӱ вайны, гӱрны-кӱдзны. Кӱть и кодкӱ дӱзмывлас конюк вильӱ,
лоӱ тай бӱр бурасыны да и ыдждӱдлыны на Опонь Тарасовичӱн.
Асывводз. Кӱкъямыс кымын час. Ме буретш пукалӱ конюшня кер-
каын да виччыси, кор Тарасовичыд вӱв сетас. ӱдзӱс дорын кылӱс
грам-грам, сӱсся пырис Ёгор Педь, да важся ӱртыслы тешитчӱмӱн
гораа шуис:

— Видза олан, Рыжко яйӱн гӱститӱдысь!



«Лӧз вадйын» висьт дорӧ



«Ур куяс» висът дорö

— Чолөм, ур яйөн вердысьлы, — дөзмөмөн вочавидзис Тарас Опонь.

«Пыр на дузъялөны? Сиктсаяс лун-мөд и сералыштисны, а тайё-яс... Бурөдны колө...»

— Пөльяс, ме ур да вөв яй сөйөм йывсьыд лыддывлі өти важ книгагыс интереснөйтор, — көсьянный кө, висьтала.

И заводиті ассым висьтөс:

«Коркө важөн нин миян Гам сикт местаын овлөмаөсь ыджыд котыръясөн йөз. Вөлөмаөсь налөн вөвъяс. Сөмын вөвъяссө абу удж-өдлөмаөсь, а видзөмаөсь сөйөм вылө. А посни челядьсө чөсмөдлөмаөсь ур яйөн. И со өти асылө Эжва горувсянь тыдовтчис куим карбас. Медводдза карбасас катө ачыс Перымса Стефан комиясө Иисус Христослөн вераө пыртны. Чеччис сійө берегад, кайис пожөма ягад, сэсся йөзсө сылліөдзыс вөтліс Эжваас. Молитва, дерт, лыддис да, комиөн шуаліс: «Ті пө лоанныд миян кодь жө христианаөн, и Енмыс тіян өти — Иисус Христос, мунөй бөр асланыд чомъясад, дугдөй сөйны вөв да ур яйтө».

Коркө-некоркө, кадыд тай өдйө мунө, сійө бөр кутіс кывтны Эжва кузя. Сувтовкерис тайө жө сиктас и аддзө: пөрысь и том мутшкө-сөйө вөв да ур яй. Кор аддзисны епископтө, лэптисны ыджыд шум. Стефан скөра видзөдліс на вылө да крапкис-шуис: «Синтөм Гам — Рыжкөед!»

— Ме ног, тіянлы, кык пөрысь мортлы, оз ков скөравны өта-мөд вылө. Ур яйтө да вөв яйтө тіөдз сөйлісны Гамад, да и, чайта, тіян кулөм бөрын на кодсюрө кутас мутшкыны, — помалі ассым сөрнийөс.

Кык пөль меліа видзөдлісны өта-мөд вылас, пөся нюмгөвтисны да өтвылысь шуисны:

— Вөськыда өд мойдіс том мортгыс миянлы. Нинөмысь лөгавнысө.



ТАР КОЙТ



Ми Вань дядькөд узьмөдчим лыс чомйö. Шань да бур сьөлöма морт Вань дядь, батылөн ичөтджык вокыс, менö радейтис ассыс писö моз жö.

— Узь, шөвктугйöй, аски водз ковмас чеччыны, тарьясыд лöz югыднас локтöны койт вылас, — ыж ку пасьнас шебралігмоз шуис олöма морт.

Ме садьми водз и ылысянь-ылысянь кылі чушкөм шы: чув-чув! Чуфиши!

— Тайö ай тар, пöрысь петук койт вылас юравны локтö, — чöла висьталіс Вань дядь.

Регыд көзяин воис и паніс сьыланкыс: гөрд син дорьяса пöдру-гаяссö кутис чуксавны.

Ньöжйөнник вывлань кайö йөв кодь ру. Югдö. То тан, то сэн кылö сизьлөн дорччөм.

Öтар-мөдарсянь кутисны локтавы тарьяс.

Том петукьяс ветлөдлөны öтарö-мөдарö и дасьтысьöны öта-мөдыскөд чаллясьны. Энь тарьяс пукалöны чöла.

Пöрысь петук-ветеран мыладжык да мичаджык сьыланкыс паніс. Сійö тшöкыдакодь лэптывлö юрсö да видзöдалö, ставыс-ö лючки-ладнö койт вылас, оз-ö ёна ышмыны том кавалерьяс.

И со казалис: кык том петук чаллясьöны, сідзи и ёрта-ёртсö тре-кайтöны. Деруньяслөн вывлань лэбö гөныс, бытьö сьöd бобувьяс лэбалöны.

— Кыш! Кыш! — скöра чушнитис пöрысь тар да чепöсйис кося-сьысьяс дорö.

Койтвывса көзяин виччысьтөг кучкö паськыд морöснас öти хулиганыслы, а сэсса и мөдыслы.

Косясьысь лэбачьяс мач моз быгыльтчисны öтарö-мөдарö и но-раа заводитисны броткыны:

— Сійö менö тап! тап!

Пöрысь тар-петук койт вылас пöрадок корсьö-вöчö.

Ай тарьясöс чукөртис ас дорас и горөдіс выль сьыланкыс. Сы бöрся шыасисны и томджыкьяс.

— Аддзан, пиук, койтвывса юралысь и велөдö сьывны-гажъяв-

ны томъясөс, сійо талун тані учитель быттьо, — вашнитіс меным вежай.

Зарни тупыль юрсө шонді-мам вылөджык и вылөджык лэптө. Воши ру. Косьмис лысва. Койт вылын таръяслөн шыясыс кутісны ваймыны. Пожөма яг сайо лэбисны энъ таръяс, а на бөрся вөтчисны и налөн кавалеръясыс.

А пөрысь тар-петук ас кежас броткис на.



ЗАРНИ ДЕНЬГА



Вөлі сентябрь пом. Съод ёль дорө войколөн мөдөдчи чери кыйны. Рытыс вөлі шонид, пөльтіс лун төв. Пөртйын пузьөді чай да содті сэтчө кымынкө сэтөр рос. Нуръясышті да пөсь чайөн вескөді горшөс. Сэссия төдлытөг вугырті бипур дорас.

Кор садьми, бипурыс вөлі кусөма. Мышку кузя гильөдчис көдзыд йирмөг. Төлыс вежсьөма, еджыд тошка вой төв петөма да пужъялөма. Съод ёлыс гажтөмджыка варовитіс, быттьо скөрмыштөма вой төв вылас. Пөрөді кос конда да песті выль бипур. Но унмөс вөтлі, медым асывводзнас вуграсьыштны.

...Шедіс квайт-сизим ёкыш. Та бөрын дугдіс дэбөдны. Гашкө, и черияслы тшөтш эз кажитчы көдзыдыс. Шуи аслым дугдывны вуграсьөмысь, мися, пажнайтышта. Перйи ноппысь нянь, сахар, лук, сыр, пань да кружка. Пуи юква. Узьтөм вой бөрын шонид бипур дорад бара унмовси. Садьми кодлөнкө шура-шаракылөмысь. Видзөдлі да, менам сёян-юанөн, вөлөмкө, чөсмасьө ыджыд съод рака. Мыйөн аддзис менсьым вөрөдчөмөс, кортөм гөстьыд тэрыба босьтіс паськыд вомас сыр тор, кыпөдчис сынөдө да лэбзис ёль сайо. Сэні вөчис неыджыд кытш да пуксис пөрысь коз улө. Ме төда вөлі, мый рака-катшаыд радейтөны дзевлавны югыд рөма чачаяс, рөмпөштанторъяс да мукөд пөлөс мичаторъяс.

«Вуджала ёль саяс да корсьла шышлысь гуся позсө», — югнитіс юрын мөвп.

Коли берег дорө кыйсян көлуйөс, вывлань лэпті сапөглысь

гөленьяссө да кызкө-мыйкө вуджи ёльтө. И збыльысь, коз пу улысь аддзи югид кыша сыр пачкато. Абу убөлитөма чөсмасьнытө лэбачыд. А сыр улас, позъяс, куйлісны нель эзысь кизь, гөрд лента, дзоля пань да кык көрт деньга. Деньгаясыс өзйисны аслыспөлөс гөрд рөмөн.


Тайө абу ыргөн деньга, мөвпышти ме. Найөс чышкалыштөм бөрын гөгөрвои, тайө зарни. Кытысь вермис съод рака гусявны найөс? Съокыд висьтавны. Но коркө кывлі пөльсянь: мөдлапөлө пө, Съод ёль бокө, купеч Сандро Микол гражданскөй война дырйи дзеблөма озырлунсө — зарни деньгаяссө. Сійө кадсяньыс веськыд берегыс ёльлөн ёна вежсис. Ытва дырйи ёна нуө-жугөдө визувнас берегсө. Гашкө, ракалы и сюри купечлөн зарни мешөкыс да. Сюйи зарни деньгаестө зептө, а мукөд став дзебөмторсө мичаа бөр тэчи. Ас кежысь мөвпышти, оз-ө съод шышыд нөшта кыскө вайышт зарни деньгатө. Но рака эз и мөвпыштылы волыны озырлун дорас.

Муна гортө, шойччышта да аскомысь бара вола видзөдлыны рака позсө, шуи аслым. Но гусясьысь ракаыд абу вөлөма йөй. Коз пуува са позйын немтор нин эз вөв. Став запассө нуөма кытчөкө мөдлаө.

Тайө вөвлөмторсө меным висьтавліс вөр-ва радейтысь Опонь пөль.



МЫЙ ЙЫЛЫСЬ



ЮӨРТІС КАТША

— Миян разведрота сувтіс шойччыны пожөма яг бокө. Вөлі пажын кад. Салдатъяс азыма нуръясисны шыдөса рокөн, — паніс ассьыс висьтсө ветеран-фронтөвик Иван Иванович Сухарев.

Виччысьтөг кыскө катша воис. Гашкө, кыліс чөскыд рок дуксө да. Чеччалігтырйи матыстчис салдатъяслань. А сөсся пуксис коз пу лап вылө, код улын сулаліс походной кухня да гораа кутіс китшкыны.

— Кыланныд, китш-котшыдылы рок ковмөма, — шуис лейтенант пөварлы.

— Ковмөма кө, и вичмөдышта, — нюмъялигтырйи вочавидзис пөвар. Сэссия ыджыд дар тыр рок пуктис пожом пу улө да корис: лок пө пажнайт, трасича.

Тшыг лэбачыд тэрмасьомөн бырөдис чөскыд роктө да бөр пуксис коз пу лап вылө.

Пажын бөрын лейтенант перйис сумкасыс рөмпөштан да бритва, пуксис походной кухня дорө бритчыны. Бритчөм бөрас мысис шоньд ваөн да көсйис идравны бритчан станоксө да рөмпөштансө. Но кызди корсис, сідзи эз и аддзы рөмпөштансө. «Некод дзик эз вөв ме дорын, коді нө вермис гусявны, — мөвпыштіс ас кежысь ротной командир. — Дерт жө, катшаыд шышөдис сійөс».

— Рөмпөштансө меным гөтыр козьнавліс чужан лунө, — жальпырысь висьталіс ьртъясыслы лейтенант.

— Көнкө тані матын, тыдалө, катшаыдлөн позйис, колө корсьны, — корис салдатъясөс пөвар Иванов.

Ставөн босьтчисны корсьны китш-котшлысь позсө. Регыд и адзис Ивановыд сійөс пөрысь пожом лапъяс пөвстысь.

— Тані быдса склад, но бурторйис нинөм абу, сөмын рөмпөштан да деньга көшель, — висьталіс сійө.

— Кутшөм көшель? — юаліс лейтенант.

— Да со, на кут!

Лейтенант восьтіс көшельсө да перйис сэтысь бумагатор, кытчө вөлі гижөма: «Прөщай, Ваня! Менө фашистъяс воккөд рабствоө нуисны. Энө вунөдой миянөс, косөдой ставсьыс гадъяслы».

Лейтенант ыджыда ышловзис: «Коньөръяс, доная...»

Тані матын эз вөв йөзлөн оланіныс, а неылын көрт туй. Гашкө, нылыд көшельсө шыбитіс вагон өшиньяныыс.

Катшаыд бара пуксис неылын сулалысь пу вылө да гораа кутіс китшкыны.

— Ме ногөн, лэбачыд эз рок вөсна лок миян дорө. А аслыссикас кывворнас көсйис висьтавны, мый сылөн позйын эм зэв колана юөр, — вөчис кывкөртөд лейтенант.

— Миян рота воис Берлинөдз. Победа бөрын Германияын мездім рабствоысь уна войтырөс. Найө бөр бергөдчисны гортаныс. Ме чайта, мый и сійө нылыс бөр воис чужанінас, — помаліс асьыс висьтсө фронтөвик.



ЛЁК ГОРША КӨИНЪЯС



Ёгор велөдчө карын. Воис январь төлысь. Студентъясөс лэдзал-исны каникул вылө. Ёгор локтис чужанінас. Гажыс ёна бырөма мам-батьсыс да пармаысь. Локтөм бөрас лун-мөд-коймөд ноксис горт гөгөрын, а сэся кайис кыйсыны-вөравны Ертым сайө, көні пөлыс видзис-дөзбөритис лесопунктлысь вөр пөрөдан да кыскалан техни-касө. Ёгор вежон чөж ветлөдліс төдса ордымъясөд, батыслысь кап-канъяссө видлаліс, кыйсис-луйсис.

...Төвся луныд көч бөж кузя. Кор Ёгор локтис пөлыслөн стөрөжкаө, вөлі пемыд нин. Пөлыс нурийөдіс внуксө дозмөр шыдөн да шуис:

— Вод да шойччы, пиукөй. Аски югдөм бөрас лэччан гортад.

— Ог, ог кут тані узыны. Асывводзнас автобусыс водз кайө карө да ме сөрма.

— Дерт, сідз эськө, шөвктугйөй, но таво көинъяс ёна рөдмөмаөсь да тэнө лёк горша зверьясыд вермасны өбөдитны, — водзө сөрнисө нуөдіс пөрысь морт.

Но томлуныд томлун и эм. Ас вылас зэв ыджыд эскөмөн олө. Дерт жө, Ёгор эз пыдди пукты пөлыслысь шуөмсө. И со пөлыслөн благслөвитөм бөрын зон петис туйө. Мышку саяс вөралан ноп, көні кык көч туша да куим сьөла. Пельпом вылас пищальыс. Мукөд кыйдөссө колис пөлыслы. Сійө мөдөдас гортас машинаөн, коді локтан вежоннас вөрө катөдас ломтас-мавтас. Рытыс лөнь. Вой төв вугралө пуяс пөвстас. Енэжын ыргөн чужөмбансө мыччөма төлысь да арталө кодзувъяссө.

Ёгорлөн лыжиыс бура нуө. И со нин исковтис Пөбьель горулө. Воис вөраин. Виччысьтөг чөвлунсө торкисны омлялөм шыяс. Зон бергөдчис да аддзис: сы бөрся котөртисны куим көин.

Мый вөчны? Тшыг рөзбойникъясыд вермасны косявлыны. Патронташын сөмын ур зарада кык патрон. Сійөн көинтө он чергөд.

Сэки Ёгор перйис нопсыс өти көч туша да шыбитис вөтчысь көинъяслы. Тшыг зверьяс өдйө пусь-пась вөчисны көчтө да бара кутисны суөдны зонмөс. Сэки Ёгор шыбитис мөд көчсө. Сы бөрын сьөлаясөн найөс чөсмөдіс. Тэрмасигад Ёгор джөмдіс лыжи пөвнас

пөрөм пуо да дойдис веськыд коксө. Мунны лои ена сьокыдджык. А пөттөм голяяс оз и мөвпыштны кольччыны. Бара көсйоны суодны зонто. Сийө пөрччис нопсө да колис коиньяслы. Регыдөн пөттөм ловьясыд и ноптө бара косявлісны.

Сэк кості вөр дор воис, а сәні и Пақыб грезд. Но коиньяс оз и көсйыны кольччыны, налөн синьясыс сідзи и озйоны. Муртса нин оз суодны. Ёгор ур зараднас кыкысь лыйис вывлань. Коиньясыд неуна падмыштісны. Ёгор петіс вөр туйысь. Тыдовтчис грезд, кутіс кывны поньяслөн увтчөмыс. Сөмын сәки лөк горша коиньяс сувтыштлісны да бергөдчисны вөрлань.



ЙӨНӨД ЙӨРЫН



Миян колхозлөн унджык көдза муыс вөлі сикт гөгөрын. Но ыджыдкодь му вөлі Йөнөдын, грезсянь верст вит сайын. Йөнөд йөрсө вой төлысь видзис козья вөр. Сы вөсна му вылас колхоз пырджык көдзліс рудзөг да босьтліс озыр урожай.

Йөрсө видзны-дөзьөритны скөтөн травитөмысь да йөзөн таргайтөмысь колхоз правление индіс Ёгорөс — кузиник тушаа, кельдылөз синьяса, паськыд тошка пөльөс. Ар кежлас сийө лөсьөдіс лыскысь чом, пытшкөсас вольсалис кос турун. Августын, кор колхозникьяс босьтчисны идравны сюсө, сийө сәні и узыліс.

Ме важонкодь нин вөзйыси пөльлы:

— Босьтлы, пөльө, аскөдыд войколавны.

И сийө отчюд шуис меным:

— Толик, талун пажын бөрын ветлам Йөнөдө. Буждөм шор дорын өмидз ена артмөма. Рытөдзыс тэа-меа өктыштам чөскыд вотөссө, войнас узям чомйын, а асывводзнас лэччылам Баба курьяө сын вугравны.

Со ми и Йөнөдынөсь. Пөлькөд гөгөртім йөрсө, а сәсся өктім өмидз. Ок и уна да гырысь туся. Дозьяс тырисны, бергөдчим чом дорө, пестім бипур. Пөль пуис тшакысь сорва да сийөн нурьясьыштім.

— Тэ, пиук, пыр чомйö да вод. Аски öд водз ковмас чеччыны, чериыд оз радейт дыр узьысьтö, — шуис сийö меным.

Пемдiс. Пуксис лöнь рыт. Петiс эзысь тöлысь. Ёгор пöль коскас суйис чер да мунiс чом дорысь. А ме нюжöдчи чöскыд кöра турун былö да вугырті. Но менсьым вугралöмöс регыд торкис сёрни.

— Мыйла нö рудзöг кольтаяссö гусялiн, Матрена? Явита да пуксьöдасны Човйö. Он мöй помнит, кызди ведра шепысь судитiсны Педöр Настаöс?

— Криста ради, челядь вöсна жалитышт, бур мортöй. Талун ветлі правлениеö да предлысь кори авансөн пуд сю. Челядь, мися, тшыгъялöны, а ыджыдджык пийö, Николаюшко, садсьö нин гозмöдысь воштыліс. Но эз сет предыд сютö, — нор кывъясөн корис Матрена. — Да и верöссиян некутшöм юөр абу коймöд тöлысь. Гашкö, фашист пуля улö веськаліс. Ойя да ойя, кор бара тайö сир курыд олöмыс помасяс.

— Грекö эськö вöйтан да. Босьт да ну куим кольта. Ме тэнö эг аддзыв и тэ менö эн жö, — шуис пöль.

И друг, быттö гыма съод кымөр, виччысьтöг воис колхозса председатель Кырнышев Педь да кыз гөлöснас кутiс мый вынсьыс матькыны.

— Сё лешак, таdzi тэ видзан йöртö! Сю кольтаястö гусявлöны, а тэ шыр куталан али мый чумалияс увсьыс? — уськөдчис сийö пöль былö.


— Ме, ме сöмын на гөгöртi йöрсö. Дзик некод эз вöv, — шуис Ёгор пöль.

— Тэ, Матрен, гусялiн колхознöй нянь, вöчин преступление. Ковмас закон серти кывкутны. Öнi жö нуöда правлениеö да сдайта милиционерлы, — горзiс председатель. Сэссия лэччис вöv вывсьыс, кватитiс нывбабаöс шошаöдыс да кутiс пыркöдны.

— Лэдз пикö воём мортсö, сьылi вундан гаг. Ачыл кодалан-юан, дövаяскöд кыскасян, таргайтан колхознöй няньсö да эмбурсö. Матрен пöгибö воём морт. Ыджыдджык пиыс тшыгысла регыд кулö, верöсыс фронт вылын вир кисьтö. Ог сет ме тэныд нывбабасö öбöдитны, он лысьт судитны салдаткаöс. Он кö эновтчы, юртö чинта. Меным воштыны немтор, — пузис Ёгор пöль да лэптiс Кырнышев весьтö черсö. — Менö, сэтшöма кö колö, накажит, а Матреналы авансөн кöть пуд рудзöг сет.

Повзьёмысла председатель паляліс да пинь пырыс шуис: — Мед, сідзкө, тэ ногөн лоө, Ёгор Матвеевич.

Война кадö быдлаын олісны сьöкыда. Кок йылысь пöрöдан удж, лёкиник сёян, висьöмъяс турунöс моз ытшкисны тылын уджалысь пöрысь йöзöс, нывбабаясöс, челядьöс. Нöшта сьöкыдджык вöлі овны йöзлы сәні, көні колхозса председательясөн, райкомса секретарьясөн, сельсöветса юралысьясөн вöліны Кырнышев кодь сьöлөмтөм войтыр.



МИЛЮК



Вася Отев талун гортас дзик öтнас, мамыс фермаын куканьясöс вердö-юкталö.

Пемдiс. Барабанөн вевтьяс вылын ворсö арся зэр. Зонка велөдö кывбур. Гөбöчын кодкө кышöдчö. «Гашкө, горт айкакыс сәні да», — мөвпыштiс Вася.

Дзуркнитыштiс кильчö öдзöс. И регыд керкаö пырис мамыс.

— Милюк куканыйд кытчöкө воши, рытивбыд корси, но не-кытысь эг аддзы, — шогпырысь юөртис пыислы мам. — Здук шой-ччышта да бөр муна корсьны. Милюкыд öд зэв дона, неважөн вайөдiм сiйöс племстанцияысь.

— Но-а тэ, Васюк, ас гортад нинöмысь эн пов. Гөбöчад корскюрö сöмын шыръяс кышöдчöны. Пуксы да урокъястö велөд, — тиöктiс пыислы мам.

— А ме велөдi нин кывбур, кывзы, висьтала, — нимкодпы-рысь шуис Вася.

— О, шуда му,

Тэ Рöдинаой менам,

Кор судзис эськө меным дзоля сыв... — лыддис зонка сьöлөмся-ныхыс мамыслы.

— Бур, зэв бур! — ошкыштiс мам писö. — Вöч и мукөдтор кузя гортса уджтö, а ме муна корсьны Милюкöс...

Мамыслөн мунөм бöрын Вася öзталiс став жыръясас лампочка-

яс. Чайтис, мый югыдсыд полöны шыръясыд да мукöд повзöдчысыясыд. Ывлаын төла. Öшинь улын пипу да кызз гораа варовитöны ас костаныс. Но пуяслысь варовлунсö торкисны кодлөнкö кок шыяс.

— Коді сәні? Мый колö? — шуис негораа Вася да полігтыр видзöдліс öшиньöд. Öшинь сайын югнитисны кодлөнкö синъясыс, а сәсся кыліс нораа шыасьöм: «Ме-е, ме-е».

Ичöt горт олысь ёна повзис, но регыд палялыштіс да аддзис: сы вылö öшинь стеклö пыр видзöдіс Милюк куканыс.

— Тәнö, донаöс, мамук шогсьöмпырысь корсьысьö, а тэ со көні вөлöмыд, — рам кывъясөн шыасис кывтöм пемöс дінö Вася.

Зонлөн төкөт्योंн воши полöмыс. Сійö öдйö көмасис-пасьтасис, босьтіс гез пом да петіс кукань дорö.

— Лок, лок, донаой, көн нö тэ шöйтін, быдсөн тай көтасьöмыд, — паніс зонка нель кока ёртыскöд сёрни. Сәсся көрталіс сылиас куканьлы гез помсö да шуис: — Мунам гортад. Тэ вöсна мамукуным зэв нин ёна шогсьö... — шуис мый.

А зэрыс кисьтö и кисьтö. Оз и көсйы дугдыны. Ывлаын сап пемьд. Татшöм сёр каднас да лёк поводьянас Вася некор на öтнасөн ывлаö эз петавлы. Но öні сылөн öти мөвп: нуöдны öдйöджык Милюкөс фермаö да пальöдны мамыслысь шогсö. Став полöмыс кытчöкө воши. Со и ферма тыдовтчис...

Кор Вася восьтіс ферма öдзөссö, мамыс, коді сөмын на вöлі пырöма ывлаысь, эз эскы аслас синъясыслы да дугдывтөг кутіс шуавны:

— Господьой дай Енмөй! Кыззи нö тэ öтнад татшöм пемьднас да няйтнас?

— Немтор. Ме абу öтнам, — вочавидзис Вася.

Бергöдчис да радпырысь корис:

— Лок, лок, пыр, Милюк, аслад яслиö!..



ЮРИНДАЛЫСЬ



Налим да руч	3
Дас куим арёса ош кыйысь	4
Ыджыд нюр	6
Вёрын	8
Сюзьяслён койт	8
Рыжик	9
Катша	10
Збой көч	12
Йора	14
Вёрса пёжар	15
Пөльлөн висьт	16
Ласича	18
Йорапи	20
Катя да катша	22
Менам чужанін	23
Сыктывкарё	25
Омолькөд венласьём	26
Сквореч	27
Вижьюр	29
Ур	30
Сир пыдди утка	31
Поводя висьталысьяс	32
Катша шыд	32
Война кадö	34
Батьсянь письмö	34
Батьлы письмö	35
Няньла рочö	36
Озырлуныд уджын	38
И тайö öти семьяысь	39
Кывзысьтём ошпи	42

Эз вунöd чужанінсö	43
Лэбачьяслөн ванна	45
Кöчпи	45
Фронт вывсыань письмö	46
Котшмös юдорса керка	47
Вöрса гусясьысь	48
Кыдзи быдмöны ручпиян	50
Сюзь да шыр	50
Ем да перна	51
Гожöм чöжö, а төв нёнялö	52
Кык вок	53
Турияс лэбöны	55
И век жö вöрыд кыскис	56
Бобувъяс	57
Тулыс козыналіс	58
Лöз вадйын	59
Арся вöрын	60
Ур куяс	61
Дозмөр-мам	62
Гөститöдчисны	63
Тар койт	66
Зарни деньга	67
Мый йылысь юөртіс катша	68
Лёк горша коинъяс	70
Йөнöd йöрын	71
Милюк	73



Александр Некрасов (Гамса) чужліс 1931 вося сора (июль) 30 лунё Емдін районуся Гам сиктса Кырув грездын. Помавліс Гамын шөр школа да Сыктыв-карын велөдысьясос дасьтан институт. Служитіс армияын. Велөдіс математика уджалысь том йөзлөн Айкатыласа школаын. А сэсся зэв дыр вөлі Гамса шөр школаын директорөн. Сылы сетөма Коми АССР-са школаясысь заслуженной велөдысьлысь да Емдін районуся почётной гражданинлысь нимгъяс.

Александр Некрасовлөн петавлісны нин «Восьтіс өшиньсö кыа», «Авгя лэбач—коми кыв», «Гөрд сатин дөрөм», «Шудыд—тэрыб лэбач» небөггъяс. Авторлөн тайö витөд небөг.

«ЭСКӨМ» ИЗДАТЕЛЬСТВОЫН БӨРҮЯ КАДӨ ПЕТӨ ЧЕЛЯДЬЛЫ ЛЫДДЬӨМ ВЫЛӨ ПЫР УНДЖЫК НЕБӨГ



«ЭСКӨМ» ИЗДАТЕЛЬСТВО лэдзис нималана коми гижысь Владимир Васильевич Тиминлысь «ЭЖВА ПЕРЫМСА ЗОНКА» историческөй повесть. Тайö гижөдсьыс В.В.Тиминлы вöлі сетöма Коми Республикалысь И.А.Куратов нима Государственной премия.

Небöглы водзкывйын Владимир Васильевич пасйö: «Тайö гижöдыс Тикö нима коми зонка йлысь, кодi овліс зэв важöн, сідз шусяна шөр нэмгясö на. Уна шензьöданатор сыкөд лолі, и кытчö сöмын эз веськавлы, мыйсö сöмын эз аддзывлы... Повестьлөн шөр визяс – збыль

вöвлөмторгяс. Ме зіли восьлавны ылыс нэмгяслөн рöмыдлун пырыс зэв важся историкакөд лöсялөмөн».

Колö тöдчöдны, мый гижысьлөн тайö небöгыс öдйö разалис Коми му пасьтала. Сійöс öні окотапырысь лыддöны и челядь, и верстыö йöз. Книгасö мичаа да ылі кадсö бура тöдöмөн серпасалис коми художник Аркадий Васильевич Мошев.

«Эскөм» издательство ыджыд аттё висьталö Сыктывкарысь ЛПК-са веськөдлысьяслы, а сідзжö Финляндияысь М.А.Кастрен нима котырлы, кодгяс вичмөдісны сьом да отсалісны лэдзны тайö колана небөгсö.

«ЭСКӨМ» ИЗДАТЕЛЬСТВОҮН БӨРҮЯ КАДӨ ПЕТӨ ЧЕЛЯДЬЛЫ ЛЫДДЬӨМ ВЫЛӨ ПЫР УНДЖЫК НЕБӨГ



КОМИ ГИЖЫСЬ Иван Белыхлысь «Эскөм» издательство лэдзис ичөт да шөр классъясса велөдчысьяслы лыддьөм вылө «ЧЕЛЯДЬДЫРСЯ ПАРОХОДЪЯС» висътъяса небөг. Авторыс чужлис-быдмылис Сыктывдін районса Паль сиктын, бура төдө сиктса челядьлысь олөм-вылөмсө. Та вöсна сылөн медсясө сиктса нывкаяслы да зонкаяслы сиөм висътъясыс зэв эскөданаөсь да мөрчöны лыддысьысьяслы вежöрас.

Авторыс сөстөм да мича коми кывйөн висъталө сиктса челядьлөн школаын велөдчөм, ворсөмъяс, бать-мамлы отсасьөм, вөр-ваті ветлөмъяс, накод уна сикас лоөмторъяс йылысь. Лыддян небөгө пыртөм висътъяссө да сідзи и кажитчө, быттö ста-выс тайö тэкөд вөлөма.

Автор ыджыд аттьö висъталө книга лэдзигөн отсөг сетöмысь Суомиысь Кастрен котырлы да Коми республикаысь уна сикас вой-тыръяс министерстволы.

Александр Иванович Некрасов
«ЧУЖАНИНӢЙ МЕНАМ—МЫЛА СЫЛАНКЫВ»

(Родина моя—задушевная песня)

Рассказы, сказки, этюды о жизни (на коми языке)

Для детей младшего и среднего школьного возраста

Художник В.Моторин

Редактор И.Белых

Компьютерная вёрстка И.Иванов

Издательство «Эском». 167982, г. Сыктывкар, ул. К.Маркса, 229.

Тел./факс (821-2)-24-51-40.



Отпечатано с готового оригинал-макета
в КОГУП «Кировская областная типография».

Изд. лицензия № 010119 от 23.04.1998 г.

Подписано к печати 9.02.2001. Формат 70х90 1/16.

Бумага офсетная. Гарнитура «Komi schoolbook». Печать офсетная.

Усл. печ. л. 5,7 + 4 вкладки. Тираж 600 экз. Заказ № 499

КОГУП «Кировская областная типография»,
610000, Динамовский пр., 4



**ИЗДАТЕЛЬСТВО
"ЭСКӨМ"**